

玉海



040

1000:24

34829

玉海卷第四十八

浚儀王應麟伯厚甫

藝文

實錄

實錄起於蕭梁至唐而盛雜取編年紀傳之法而爲之以備史官採擇

梁實錄

唐志梁皇帝實錄周興嗣二卷

興嗣撰皇帝實錄
皇德記起居注

謝

吳五卷太清實錄十卷雜史許嵩

唐人

建康實錄二

十卷

六朝
所都

偽史劉昫焯煌實錄二十卷

晁氏志

康實錄始自吳起漢興平元年終於陳末禎明三年南朝六代四百年間君臣行事及土地山川城池宮苑制置興壞用存古跡有異事則注之

唐二十八部

志凡實錄二十八部三百四十五卷始周興嗣終於吳兢中宗實錄劉知幾太上皇實錄以下至韋保衡武宗實錄不著錄四百五十七卷六典史官本起居注以爲實錄崇文總目三十三部八百四十一卷唐高祖至周世宗

唐高祖實錄

太宗實錄

志高祖實錄二十卷敬播撰房玄齡監修許敬宗刪

改

起創業盡貞觀九年

今上

太宗

實錄二十卷敬播顧嗣撰房玄

齡監修

盡貞觀十四年

會要貞觀十七年七月

六日癸巳司空房玄齡給事中許敬宗著作郎敬播

等上高祖今上抄實錄各二十卷使諫議大夫褚遂

良讀之始讀太宗初生祥瑞感動流涕曰朕富有四

海追思膝下不可復得收卷遣編之秘閣賜皇太子

諸王各一部

封玄齡一子縣男賜物千段置書褒美

敬播傳與敬宗

撰高祖實錄興創業盡貞觀十四年至是又撰太宗

實錄訖二十三年

房喬嘗稱播爲陳壽之流

通監

貞觀十七年七月癸巳書成上之上見其書六月四日事語多微隱命削去浮辭直書其事初上謂監修國史玄齡曰前世史官所記皆不令人主見之何也對曰史官不虛美隱惡人主見之必怒故不敢獻上曰朕欲自觀國史知前日之惡爲後來之戒公可撰次以聞諫議大夫朱子奢上言云云上不從玄齡乃刪爲高祖今上實錄

唐貞觀實錄

志長孫無忌貞觀實錄四十卷 會要永徽元年開五月二十三日史官太尉無忌等修貞觀實錄畢上

之起貞觀十五年至二十三年五月，勒成二十卷。通前共四十卷。顯慶元年七月三日，史官大尉無忌、左僕射于志寧等修國史成，起義寧，盡貞觀末，凡八十一卷，藏其書於內府。至四年二月五日，中書令許敬宗等五人受詔撰貞觀二十三年以後至顯慶三年實錄，成二十卷，添成一百卷。上以敬宗所記多非實錄，謂劉仁軌曰：「此既垂於實錄，何以垂之後昆？」高祖太宗

實錄敬播所修，頗多詳直。敬宗概以愛增刪改，本傳所適四事。

書目 太宗實錄四

十卷。許敬宗奉詔定起初，誕盡貞觀二十三年八月。

舊史 顧胤撰太宗實錄二十卷，永徽中。

唐高宗實錄

志許敬宗皇帝實錄三十卷高宗後修實錄三十卷

崇文日書目初令狐德棻撰止乾封劉知幾吳兢續

成起初載盡永淳二年初顯慶四年許敬宗等

述高宗實錄三十卷武后高宗實錄一百卷

唐則天實錄

志則天皇后實錄二十卷書目魏元忠武三思祝欽

明徐彥伯柳冲韋承慶崔融岑羲徐堅撰劉知幾吳

兢刪正吳兢傳初與劉子玄撰定武后實錄叙張

昌宗誣證魏元忠事頗言說已然可賴宋璟等邀勵

苦切故轉禍爲忠說爲相讀之心不善知兢所爲卽
從容謂曰劉生書魏齊公事不少假柰何兢曰子立
已亡不可受誣地下兢實書之其草故在聞者歎其
直說屢以情斬改辭曰徇公之情何名實錄卒不改
世謂今董狐 會要神龍二年五月魏元忠至徐堅
等修則天實錄三十卷文集一百卷上之開元四年
十一月十四日子立兢重修則天實錄三十卷與中
睿實錄同上

唐中宗實錄

志吳兢中宗實錄二十卷劉知幾太上皇實錄十卷

書目十卷
下止傳位

睿宗實錄五卷

會要開元四年十一月

十四日修史官劉子玄吳兢撰中睿實錄各二十卷
成以聞又引古義自於執政姚崇奏敘事記言所錄
雖重承恩賜命固不在多請各賜物五百段許之

中興書目 中宗實錄起神龍元年復位盡景龍四年
八月傳位凡六年睿宗實錄十卷起初誕盡先天二
年七月禪位凡四年又五卷知幾兢等撰起藩邸盡
開元四年其書互爲詳畧

唐玄宗實錄

志開元實錄四十七卷失撰人姓名張說今上實錄

二十卷說與唐穎撰次玄宗開元初事玄宗實錄一

百卷令狐峒撰元載監修

峒所纂開元天寶間事唯得諸家文集編其詔册以

備一朝之遺事多漏畧各臣傳記十無二三不稱良史

中興書目一百卷元

戴令狐峒撰起先天元年盡上元三年以大曆三年

上凡五十年

集賢注記唐穎進所撰稽典一百卷

燕公奏留史館修史撰今上實錄十三卷韋述知史

館敕今述寫燕公所撰今上實錄二十卷藏集賢史

庫

會要元和十四年九月

乙巳上謂宰臣曰朕讀

玄宗實錄見開元之初銳意求理至十五六年則稍

懈至開元末又似不及中年其故何也崔羣對

又元

和中讀玄宗實錄見事出一主而興替頓殊李絳對
元和四年七月上讀貞觀開元實錄見太宗撰金鏡
書及帝範玄宗撰開元訓誠思繼前躅遂製君臣事
跡

唐肅宗實錄

志肅宗實錄三十卷元載監修

中興書目卷同元載撰起至德元盡後元

年凡六年

會要元和七年六月上讀肅宗實錄見大臣

傳多浮辭虛美因宣與史官令紀事詣實

唐代宗實錄

志令狐岷代宗實錄四十卷

中興書目同起寶應元盡大曆十四年凡十七

年

會要元和二年七月

癸巳

大僕丞令狐丕進父

峴所撰代宗實錄四十卷

詔贈工部尚書建中初受詔撰未就聽在外成書

當時名臣如房琯而直諫如顏真卿畧而不載時議漏畧

唐建中實錄

德宗實錄

志沈既濟建中實錄十卷

舊史崇文目同沈既濟傳撰建中實錄時稱其能

德宗實錄五十卷蔣乂樊紳林寶韋處厚獨孤郁撰

裴垪監修

崇文目同書目同裴垪等撰凡二十五年起建中元盡貞元二十一年

會

要元和二年二月詔撰德宗實錄五年十月庚辰宰

臣裴垪與史官蔣武韋處厚等五人撰五十卷獻之

賜垪錦綵銀器

書目唐建中實錄十五卷左拾遺

沈既濟撰起大曆十四年以建中二年十月終篇既濟作五例舉終必見始善惡必評月必舉朔史官雖卑出入必書太子曰薨自謂辭雖不足而書法無隱云

唐順宗實錄

志順宗實錄五卷韓愈沈傳師字文籍撰李吉甫監修愈表云元和八年十一月監修吉甫授臣以前史官韋處厚所撰先帝實錄三卷云未周悉令臣重修臣與修撰傳師直館籍等採訪修成五卷削去常事著其繫於政者比舊錄十益六七忠良姦佞莫不

備書去月二十九日進今月四日重令刊正其奉天
功烈更加尋訪已據所聞載於首卷 太和二年詔
實錄所書德順朝禁中事起於謬傳殊非信史令史
官詳正愈言禁中事頗切直宦官惡之屢言不實故
令路隋等刊正 開成二年三月帝曰似未
實詳路隋傳愈書禁中事切直宦孺訾其非實詔隋
刊正隋言愈所書非自出元和以來相循逮今有詔
擿貞元永貞間數事爲失實餘不復改 景祐中編
次崇文總目順宗實錄有七本皆五卷五本略而二
本詳

唐憲宗實錄

志憲宗實錄四十卷沈傳師鄭澣字文籍蔣係李漢

陳夷行蘇景喬撰杜元穎韋處厚路隋監修中興

書目路隋等撰起藩邸盡元和十五年正月接文宗

實錄長慶二年閏十月己亥路隋以學士處厚以舍

人兼修撰更日入史館明年詔元穎與傳師澣籍與

處厚隋等分年編次未及成大和中詔景喬夷行漢

係等續修成四十卷四年三月丁酉路隋進目錄一卷目錄今不存

上之時大和四年也賜錦綵銀器會昌元年四月又

詔再修撰與先撰成本同進三年十月宰臣李紳史

臣鄭亞等進重修四十卷賜銀綵大中二年十一月

又詔止行舊本其再修本今不傳周煒建言故宰相德裕重定元和實錄竄寄他事以廣父功遂制新書

循吏傳宣宗讀元和實錄見韋

丹政事卓然命刻于碑

唐穆宗實錄

志穆宗實錄二十卷蘇景胤王彥威楊漢公蘇滌裴休撰路隋監修**書目**路隋等撰起元和十五年正月盡長慶四年十一月凡五年隋傳云大和七年表上憲穆實錄今案上憲錄在四年

唐敬宗實錄

志敬宗實錄十卷陳商鄭亞撰李讓夷監修**書目**

李讓夷等撰起長慶四年盡寶曆二年凡三年會昌五年上鄭亞等修撰

唐文宗實錄

志文宗實錄四十卷盧耽蔣偕王昶盧告牛叢撰魏

謩監脩

書目崇文目同起寶曆二年盡開成五年凡十四年

會要大中八年

三月魏謩修成上之

賜銀器錦綵有差

孫甫曰高祖至文

宗實錄敘事詳備差勝他書

唐武宗實錄

志武宗實錄三十卷韋保衡監修

五代時唯存一卷崇文目一卷

書目皇朝宋敏求撰二十卷起開成五年正月盡

會昌六年三月凡七年宣宗實錄三十卷敏求撰起
潘邠盡大中十四年二月

唐列聖實錄

會要元和三年十一月上銳於爲理徧讀列聖實錄
見貞觀開元故事竦慕不能釋卷謂宰臣裴垪等曰
太宗嗣業如此玄宗政理如此我讀國史始知萬倍
不及先聖猶須宰臣百官同心輔助况朕今日獨能
爲理耶事有垂宜望卿盡力正救裴垪等曰陛下及此
實宗廟社稷之福自是延英議政率漏下五六刻元
和四年上覽貞觀故事嘉鄭公諫爭匪躬詔京兆尹

訪其子孫受故居出內庫錢贖賜之七年七月己未
延美讓幸西二甫曰覽代宗實錄見先朝紀綱不亡
嘉歎鄉先人事迹

志目錄類孫王汝唐列聖實錄

目二十五卷

卷目

采朝續唐錄 唐朝補遺錄

通平字臣中保衡與史官蔣偕皇甫燠撰武宣

濟朝實錄亦作初贊撰竊僖實錄至五代皆缺

皇朝越隱幾博學無傳化五年遺錢熙乘傳

其款四月庚辰行有書其

續成唐錄一百卷慶曆五年

王堯臣上之九月癸巳以敏求爲館閣校勘

書目

會要實錄二十卷宣懿僖昭實錄各三十卷哀帝實錄八卷合一百四十八卷

今懿宗二十五卷

會要大順二年杜讓能奏宣懿僖三朝實錄未修二月敕吏部侍郎柳玘右補闕裴廷裕十五人修之踰年不編一字唯廷裕撰成東觀奏記三卷納史館

晉天福六年二月起居郎賈緯奏唐自武宗以後六朝唯有武宗實錄一卷餘皆缺畧今采訪遺文及耆舊傳說編成六十五卷目爲唐朝補遺錄緯所論次多缺誤而事迹粗存亦有補於史氏

崇文目唐年補

錄六十五卷賈緯備史六卷

建隆五代通錄

書目通錄六十五卷建隆間昭文館大學士范質撰以五代實錄共三百六十卷爲繁遂總爲一部命曰通錄肇自梁開平迄于周顯德凡五十三年

范質

傳述朱梁至周五代爲通錄六十五卷乾德五年三月戊申范旻上先臣所撰五代通錄

崇文總目初

梁末帝無實錄質自以聞見補成之其續次時序最

有條理

編年類

後唐明宗命端明樞密學士修日曆周世宗用陶穀之

言脩明宗之制。天成三年，何瓚言張昭有史學，嘗私撰同光實錄十二卷，又欲撰三祖志，并藏昭宗朝賜武皇制詔九十餘篇，即以爲史館脩撰，補爲紀年錄二十卷。莊宗實錄三十卷，上之。又脩明宗實錄成三十卷。顯德中，撰周祖實錄三十卷，及梁唐漢五朝實錄，梁事遺失，餘三帝實錄皆藏史閣。

咸平重修太祖實錄

太平興國三年正月己酉，命李昉、扈蒙、李穆、董淳、趙隣、幾同修太祖實錄。五年九月甲辰，史館修爲五十卷，以獻。賜監修沈倫、史官李昉、扈蒙等襲衣、金帶、錦

綵銀器。淳化五年四月癸未命張洎李至等同修國史先是上語宰相曰先朝事耳目相接今實錄中多有漏略可集史官重修蘇易簡對曰近代委學士扈蒙脩史蒙性懦逼於權勢多所諱避甚非直筆上因言及太祖受命之際非謀慮所及陳橋之事史冊所缺宜令至等重加綴緝是年十月丙午張洎等獻重修太祖紀一卷以朱墨雜書洎所上紀不列於史館凡躬承聖問及史官採摭之事即朱書以別之其書未成真宗咸平元年九月己巳下詔以沈倫所修事多漏略先朝命張洎重修太祖實錄未成會洎倫沒命右僕

射呂端集賢學士錢若水重修丁丑又以王禹偁李
宗諤梁顥趙安仁等同修二年六月丁巳書成凡五
十卷并事日二卷平章事李沆監修上之表云前集
錄敘天造之始稽國姓之源發揮無取銓次失當今
之所正率由舊章文武羣臣舊載者九十二人或作九十
一今增其遺漏一百四人其於制禮作樂經文緯武
申明大政釐改庶務者於甲令垂爲法式靡不具載
帝覽之稱善癸亥詔褒諭賜襲衣金犀帶銀帛若水
而下加散官食邑先是詔並加恩而沆獨辭李沆所
修視前錄爲稍詳而真宗猶謂未備大中祥符九年

復詔趙安仁晁迥陳彭年夏竦崔遵度同修王旦監
修明年書成自興國至祥符前後凡三修

景德四年閏五月庚寅馬知節曰大祖數事恐實錄
中未載上令知節具錄奏聞以備史闕

咸平太宗實錄

至道三年十一月己巳

真宗初
卽位

命集賢院學士錢若

水等修太宗實錄若水請柴成務宗度吳淑楊億同
修請令修實錄官遞宿本院十二月甲午又言太平
興國八年以前君臣獻替不著於話言淳化五年以
後親決萬機不聞於策府請降詔旨於前仕宰執三

司等處移牒求訪以備缺文從之時有昭宣使王延

德

一本作王建德

上太宗南宮事跡三卷命送修實錄院

咸平元年八月乙巳

十九日

書成凡八十卷

楊億獨修五十六卷

若水等奉表以獻

表云借箸之畫咸所領聞執簡而書莫非擴實

上親覽涕

泗嗚咽命坐從容勞問纔九月而畢上甚歎其速以

其書入禁中時若水判集賢院因用院印史館無所

預以諸王賜食聽爲修撰所令莊宅使劉承珪掌其

事乙卯若水等加食邑階勲賜器帛

長編至道三

年十一月乙巳詔工部侍郎集賢院學士錢若水修

太宗實錄若水舉官同修起居舍人李宗諤預焉上

曰自太平興國八年以後皆李昉在中書日事史策本憑直筆若子爲父隱何以傳信於後代除宗諤不可餘悉許至咸平元年以後並同前上前出會要

祥符九年二月己丑監修王旦言兩朝實錄事有未備者望付修史官增修從之遂委趙安仁晁迥等增續明年書成其卷帙如舊

乾興真宗實錄

乾興元年十一月癸酉八日命翰林承旨李維學士晏

殊修撰真宗實錄論以一朝大典謹筆削之意壬午

十六日命孫奭宋綬陳堯佐爲同修撰官十二月丁巳

詔宰臣馮拯提舉監修天聖元年二月乙巳王舉正
李淑爲檢討拯卒又命宰臣王欽若代之天聖二年
三月癸卯書成凡百五十卷事目五卷癸卯欽若等
詣承明殿以獻兩宮覽書涕泣命坐勞問錫會進官
錫宴于編修院
一本無事目五卷甲辰以欽若爲司徒丙午李維等
遷官第賜器幣襲衣金犀帶鞍勒馬

嘉祐仁宗實錄

嘉祐八年十二月十二日庚辰

時英宗
已卽位

命翰林學士

王珪賈黯范鎮修仁宗實錄以宋敏求呂夏卿韓維
爲實錄院檢討官治平元年二月戊辰命宰臣韓琦

提舉

治平四年五月上遣使取淨草二篇留觀禁中

賜史臣手詔

熙寧二年七月己丑韓琦等上之凡二

百卷

又本有事目十卷長編命王珪等爲檢討入內都知任守忠管勾敏求時知亳州召用之無

韓琦提舉事

熙寧英宗實錄

熙寧元年正月二十四日

一云二月丁酉

詔以宰相曾公亮

提舉呂公著韓維王安石修撰孫覺曾鞏檢討二年七月己丑司徒韓琦等上英宗實錄三十卷事目三

卷

一云曾公亮等上

賜詔獎諭

時與仁宗實錄同上琦等言書成乞不推恩從之

元祐神宗實錄

元祐元年二月六日乙丑詔脩閏二月命司馬光提
舉鄧温伯陸佃並脩撰十月又以呂公著提舉黃庭
堅范祖禹檢討四年左僕射呂大防提舉六年三月
四日癸亥書成進呈上東鄉再拜然後開編大防於
簾前進讀詔止讀令進

七日賜宴于寶錄院

丙子大防等遷秩

紹聖元年四月戊辰從蔡卞之請重修至三年十

一月戊辰書成進之

元符三年五月左正言陳瓘

言伏聞王安石日錄七十餘卷具載熙寧中奏對議
論之語此乃人臣私錄非朝廷典冊自紹聖再修凡
日曆時政記及御集所不載者往往專據此書追議

三法卷四十一
五
刑賞宗廟之美皆爲私史所攘願詔史官別行刪脩
詔三省同參對闡奏靖國元年六月壬戌詔熙寧元
豐事實具備元祐紹聖編錄具存訂正討論宜公乃
心務不失實十月詔前降參取元祐實錄及刪除王
安石日錄旨揮更不行

紹興重修神宗實錄

紹興五年九月十五日乙酉左僕射監修趙鼎史館
脩撰范冲直史館任申先著作佐郎張九成等上重
脩實錄五十卷後三日制鼎進二官冲等一官至六年正月癸未成
書通已進凡二百卷繕寫三部一爲御覽一藏天章

閣一付秘書先是建炎初上謂朱勝非曰神宗中錢
事多失實遂降詔重修勝非薦范冲兼史事冲言神
宗實錄自紹聖中已命官重修既經刪改慮他日無
所質證今為考異追記紹聖重修本末朱字係新修
黃字係刪去墨字係舊文每條即著臣所見於後以
示去取

世號朱墨史

紹興九年二月壬子朔史館進祖宗實錄上曰朕欲
見景德講和後故事

紹興重修哲宗實錄

初元符三年詔修哲宗實錄至大觀四年四月成書

紹興四年五月庚申詔條具重修事件八年六月九

日癸亥左僕射監修趙鼎修撰勾濤祕書少監尹

著作郎張嶠佐郎胡珵校勘朱松李彌正高閱范如

圭等以重修哲宗元豐八年至元祐八年實錄上之

至九月甲午書成起紹聖元年至元符三年通前錄

為一書成一百五十卷先後進呈著作何論謂舊錄一書不應分前後

請併紹聖元符上皆御殿如進神宗實錄之制下未

趙鼎遷特進先是宰臣朱勝非言哲宗實錄經京下

之手議論不公遂詔史官看詳重修後邵溥上其父

伯溫辨誣王銍上元祐八年補錄送史館參修初舊

錄係二百卷勾濤言請依英宗實錄例目通融裁減
卷帙從之

乾道七年十一月廿八日詔秘書省繕寫太祖至哲宗
實錄雙校以進 神錄有考異哲錄有辯證皆出范
冲一手

紹興徽宗實錄 淳熙重修 乾道欽宗
實錄

紹興七年詔修八年秋卽史館開實錄院十一年七

月戊戌進六十卷

自元符三年至大觀四年

丁未提舉秦檜遷少

保封奠國公庚戌修撰已下各遷秩所修疎畧二十

八年二月癸巳修撰賀允中等請重修大觀以前實

錄八月戊戌日十一提舉湯思退等上一百五十卷以

左僕射沈該爲禮儀使自八年秋開院踰二十年乃成再加增潤猶多疏畧

上御垂拱殿進呈訖奉安于天章閣敷文閣一云藏于又以

小本進入禁中癸卯思退遷左正奉大夫丙午同修

國史周麟之奏副本在有司者宜謹其藏不許關借

傳寫 乾道四年四月甲寅上欽宗實錄四十卷并

帝紀乾道二年十一月起居舍人洪邁奏欽宗日曆已成宜修纂十二月詔免進呈因襲茂良所補

日曆五年十二月秘書少監李燾請重修徽錄六年

而修置院重修淳熙四年三月九日上重修徽錄二百卷

考異二十五卷目錄二十五卷進呈如二十八年之

制 蘇薦呂祖謙爲檢討審訂增削數百條書遂成

汪藻纂元符以來詔旨至宣和凡八百六十五卷實錄所取十蓋七八然猶多脫畧蘇增修之

紹興以後置二相則右相仍領實錄院無次輔則以執政權執政權提舉實錄自乾道二年十二月魏杞始以無相故也

慶元高宗實錄

淳熙十五年三月十一日洪邁請開院修纂慶元三年二月五日上二百八十卷起藩邸至紹興十六年修撰傅伯壽等 嘉泰二年正月二十一日又上二

百二十卷起十七年至三十二年修撰袁說友等自奉詔至成書凡十六年成五百卷

嘉泰孝宗實錄 光宗實錄

慶元元年七月二十日詔修孝宗實錄嘉泰二年詔傅伯壽陸遊同修專以委之三年四月十七日上五百卷又上光宗實錄一百卷

實錄自東都以前凡一百六十八年不過一千餘卷南度後高孝六十餘年亦一千卷孝錄比他書尤疏駁

淳祐寧宗實錄

二年二月上

重修太祖實錄李沆辭加恩 太祖太宗史成王且
進秩司徒 真錄并正史成提舉並遷秩 仁英錄
并兩朝正史成提舉韓琦曾公亮王珪並辭之但賜
器幣有差珪有增一子六品服 元祐神錄成左相
呂大防遷兩秩 紹興重修神錄左相趙鼎進二官
爲左光祿大夫鼎辭賜銀帛衣帶一子六品服用元
豐舊制也

記注

荀悅申鑒朝有二史左史記言右史記動動爲春
秋言爲尚書君舉必記臧否成敗無不存焉 隋
志周穆天子傳體制與今起居注正同蓋周時內
史所記王命之副

周公記注

春秋左氏傳隱八年注諸例或發於始事或發於後
者固宜有所異同亦或丘明所傳記注本末不能皆
備疏周公舊凡於記注之文散在諸事丘明作傳因
記注之文發例故或先或後 左氏傳序周德旣衰

官失其守赴告策書諸所記注多違舊章仲尼因魯史策書成文遵周公之遺制明將來之法其發凡以言例皆經國之常制周公之垂法史書之舊章仲尼從而修之以成一經之通體注隱七年始發凡例特云謂之禮經十一年又云不書于策建此二句於諸例之端明書於策者皆有經國之常制非仲尼始造策書自制此禮也 昭二年注春秋遵周公之典以序事故云周禮盡在魯矣疏定四年傳稱備物典策以賜伯禽典策則史官記事之法也

漢著記

藝文志春秋家漢著記百九十篇

卷一作

注師古曰若

今起居注

律歷志

劉歆歷譜著記高祖卽位十二

年惠帝著紀七年高后著紀八年文帝著紀二十三年景帝著紀十六年武帝著紀五十四年昭帝著紀十三年宣帝著紀二十五年元帝著紀十六年成帝著紀二十六年哀帝著紀六年平帝著紀孺子著紀更始著紀自漢元帝訖更始二年凡二百三十歲光武皇帝著紀以景帝後高祖九世孫改元建武歲在鶉尾之張度卽位三十三年

五行志

凡漢著紀十二世二百

一十二年日食五十三朔十四晦二十六先晦一日

二、唐開元曆合朔議考漢元光以來史
官注記日食有加時者凡三十七事

鄧后紀劉

毅上書曰古之帝王左右置史漢之舊典世有法記

兒寬傳臣贊曰漢注卒史秩百石
元年師古曰漢注云此年二月黃龍見廣漢
宣紀黃龍

晁錯策謂高皇功德歷之春秋終軍上對謂異獸奇

木宜使著事者有紀劉向封事言星聚等事而曰皆

著於漢紀谷永封事言建始以來元年災異而曰八世

著記久不塞除李奇曰高祖
以來至元帝劉歆之譜三統歷則引

高帝至光武著紀驗日食之數班固之志五行則

引十二世著紀驗日食之數遷作史記本於紬金

鑽石室之書固作漢書本於探纂前記漢武有禁中

起居注永平中撰建武注記明德后撰明帝起居注

劉毅乞修長樂宮注獻帝及晉代以來起居注皆近

侍臣所錄

後志注引獻帝起居注馬融言日蝕曰漢書所載史官占候

後五行志注

唐陳正卿作續尚書其表謂漢臣著記新體互約於表志則著記爲漢起居注昭昭矣

漢大事記 大年紀 漢帝年紀 春秋

考紀

史記漢興以來將相年表所記有曰大事記有曰相位將位御史大夫位大事若高祖始爲漢中王破項羽踐尊位而尊太上皇惠帝城長安文帝除苛律相

位若蕭何守關中將位若太尉盧綰為燕王御史大夫若周苛守滎陽裴駟案司馬遷記事迄于太始元年而此表至陽朔鴻嘉後所增也

藝文志春秋類

有太古以來年紀二篇漢大年紀五篇言向紀五年

臣瓚注曰漢帝年紀有信平侯臣陵都武侯臣起

文紀三年柴武注臣瓚曰漢帝年紀為陳武武紀

天漢元年秋注開城門大搜臣瓚曰漢帝年紀六月

禁踰侈七月閉城門大搜則搜索踰侈者也征和元

年十一月臣瓚注引漢帝年紀發三輔騎士大搜長

安上林中前叙傳起元高祖終于孝平十有二世

真月... 卷之十

王... 卷之十

二十一

二百三十年為春秋考紀注師古曰謂帝紀也晁錯

後世為藏於金匱歷之春秋相記之

史遷既易編年為紀傳而將相名臣年表之作復以

漢興以來大事為之記蓋以存春秋之法也上自高

祖肇造下迄天漢紀年之後凡閭基勦業則書之高

帝元年春王漢秋定雍二年定塞翟寺國據榮陽三

年定魏代趙四年定齊及燕五年破楚蹇但是也伐

畔除虜則書之若高祖之擊信布孝景之擊辛吳楚是

也凡定都營國則書之若都關中城長安右長樂未

與之成太倉西市之立是也封建朝觀則書之若高

祖王兄仲於代文帝王諸子於大原等國景立河間諸王武立六安諸王與夫楚元齊悼之來朝諸侯王之至長安是也凡尊親立朝冊后建儲之禮則書之若高祖之尊上皇惠景之立高文廟與夫太子之立書於高帝之二年衛后之立書於元朔之初載是也凡肆眚除虐導民興利則書之若赦復作除孥律孝悌力田之置八銖錢貨之行是也凡郊祀正朔祥瑞災異則書之渭陽之祀雍時之幸建元之紀號太初之正曆與夫汾陰寶鼎之出河決地動之異是也

漢禁中起居注

隋志漢武帝有禁中起居注

通典周官有左右史

記其言事蓋今起居之本漢武帝有禁中起居注馬
后撰明帝起居注則漢起居似在宮中爲女史之任
魏晉著作掌之後皆近侍之臣錄記後魏始置起居
令周有著作二人掌綴錄起居著作之任自此而分
西京雜記葛洪家有漢武禁中起居注一卷漢武
故事二卷抱朴子論仙按漢禁中起居注北史柳蚪曰漢魏以還
密爲記注徒聞後世無益當時

漢建武注記 顯宗起居注

馬嚴傳永平十五年顯宗召見詔留仁壽闈與校書

郎杜撫班固等雜定建武注記 隋志劉珍等撰漢

記起光武記注至靈帝 明德馬后紀后自撰顯宗

起居注削去兒防參醫藥事曰不欲後世聞先帝數

親後宮之家故不著也 荀悅申鑒先帝故事有起

居注曰注動靜之節必書焉宜復其式內史掌之以

紀內事 楊賜傳侍講注籍 文選白馬賦李善注

引漢明帝起居注帝向太山至滎陽有鳥鳴輓 云云

漢史官注記

見天文書及唐曆議

漢長樂宮注

古今注

和熹鄧后紀元初五年平望侯劉毅以太后多德政
欲令早有注記上書安帝宜令史官著長樂官注聖
德頌以敷宣景耀勲金石垂之日月攄之罔極帝
從之 伏無忌傳不其侯無忌與黃景崔實等撰漢
記又自采集古今刪著事要號曰伏侯注 隋志雜
史伏無忌古今注八卷其書上自黃帝下盡漢質帝

唐志
三卷

晉古今注

唐志儀注數崔豹古今注一卷又雜家崔豹古今注

三卷

輿服都邑音樂鳥獸魚蟲
草木雜注問答釋義八篇

周蒙續古今注三卷

崇文日

隋志雜家古今注三卷

書目雜家古今

注三卷晉太傅丞崔豹撰雜取古今名物各爲攷釋
凡八門中華古今注三卷五代唐馬綸撰初崔豹進
古今注原釋事物初始之意編復增益注釋以明之
凡六十六門

晉泰始起居注

咸寧注

見元會

起居

注 梁流別起居注

隋志晉泰始起居注二十卷

唐志同

咸寧起居注十卷

唐志二卷

太康起居注二十卷

唐志二卷

並李軌撰建武

太興元康咸和咸康建元永和升平隆和興寧咸安

太和寧康太元隆安元興義熙元熙皆有之

唐志有永平永

昌宋劉道會

唐志作會

撰晉起居注三百一十七卷

唐志三百

二十

卷梁徐勉以起居注煩雜乃爲流別起居注六百

六十卷

唐志有四十卷失姓名

蜀志注引晉秦始起居注載

詔曰諸葛亮在蜀盡其心力其孫京隨才補吏 文

選注引晉起居注太康四年詔 世說注引惠帝建

興太元起居注 魏志注案陸機惠帝起居注 宋

書傳亮與蔡廣書引陸士衡起居注元嘉十四年河

西王求晉起居注 宋志地理以晉宋起居凡諸記

注推討辨折

齊永明二年沈約兼著作郎撰次起居注 周興嗣
撰皇帝實錄皇德記居注職儀

唐六家起居注

志起居注類六家三十八部一千二百七十二卷郭
璞穆天子傳六卷李軌晉太始起居注二十卷何始
真晉起居鈔五十卷劉道蒼晉起 居注三百二十

卷王浚之三代起居注鈔十五卷溫太雅大唐創業
起居注三卷此六家之著錄者若漢獻帝晉咸寧太
康永平咸和咸康大興建元永和升平隆和興寧太
和咸安寧康太元崇寧元興義熙元熙宋永初景平

元嘉孝建大明後魏齊永明梁大同陳隋起居注及
晉起居注鈔流別起居注失姓名者二十六家而不
著錄者開元起居注姚璿修時政記二家三千七百
二十五卷總七家七十七部 并實錄詔令 隋志自

穆天子傳漢獻帝起居注至隋開皇南燕注四十四
部一千一百八十九卷 六典四十一部 舊志列
代起居注四十一家

唐創業起居注 貞觀注記

藝文志 溫大雅

工部尚書

大唐創業起居注三卷

中興書目三卷

起隋大業十二年爲大原道安撫盡義寧二年五月
甲子卽帝位改武德元年紀用師符讖受命典册事

雜史大雅今上
王業記六卷

百官志起居郎錄起居法度舍人

修記言之史貞觀初

省舍人

以給事諫議兼知起居

注或知起居事每仗下議政事起居郎一人執筆紀

錄于前史隨之其後

顯慶中

復置起居舍人分侍左

右秉筆隨宰相入殿若仗在紫宸內閣夾香案分立

殿下直第二螭首和墨濡筆皆在坳處永徽後許敬

宗李義府爲相畏人之知命舍人承旨仗下與百官

皆出不復聞機務矣

開元五年九月宋璟建言令史

官隨宰相入侍

會要兼列

蘇氏記曰正觀中仗退

後太宗與宰臣議政事令起居郎一人執簡記錄由

是正觀注記稱爲畢備正觀元年杜正倫以給事中知起居注帝曰朕坐朝不敢妄言正倫曰臣職左氏一言之失且筆之書千載累德九年十月十六日帝欲見起居記錄以知得失諫議大夫朱子奢曰聖德舉無過事史臣所述盡善陛下獨覽於事無失傳示子孫竊有未喻中主庸君飾非護短見時史直辭極陳善惡必不省躬罪已唯當致怨史官全身畏死則悠悠千載尚可聞乎十六年褚遂良以諫議大夫兼知起居事四月二十八日壬子帝曰人君得觀之否對曰起居古左右史善惡必記未聞天子自觀史帝

曰朕有不善卿必記耶曰臣職在載筆君舉必書劉洎曰使遂良不記天下之人亦記之矣七月八日帝曰朕行有三一監前代成敗二進善人三斥遠羣小亦欲史氏不能書吾惡也憲宗元和十二年九月舍人庾承休建言天子視朝羣臣以次對言有可傳者承旨宰臣示左右起居載錄季送史官如故事詔可執政以機密不可露罷之會要云庾敬休左史猶因制敕筆削右史但編集詔書而已劉知幾曰史官唯自詢采二史不注起居文宗大和九年十二月令郎舍人入

閣曰於螭頭下記言事開成初張次宗爲舍人文宗

始詔左右史立螭頭下記宰相奏對既退帝召見審

正是非故開成時事爲最詳

鄭覃日記注操筆赤牋下所書爲後世法

成中鄭明爲起居郎文宗與宰相議政適見朗執筆

螭頭下謂曰朕將觀之曰故事天子不觀史帝謂宰

相曰朗不俾朕見起居注可謂善守職然庶一見以

自改遂上之開成四年十月乙卯帝就舍人魏暮取

記注觀之暮不可帝曰我旣嘗觀之曰史氏爲失職

陛下見則後來所書必有諱屈善惡不實後代何

信哉帝乃止武宗會昌二年十月中書奏起居注記

比者不逐季撰錄請每季初卽納前一季所記與

史館以遲速為殿最從之

唐開元起居注 開元注記 古今注記

藝文志開元起居注三千六百八十二卷失撰人名

千朱烈傳云 晉志天衍中氣議曰較前代史官注

記惟加十二年十一月甲戌景長皇極麟德開元

曆皆得癸酉麟德已前實錄所記依時曆書之合朔

議曰本史官候簿考漢元光已來史官注記日蝕有

加時者三十七事日度議曰考古史及日官候簿以

太史注記日蝕衝考日度日蝕議曰較古今日蝕四

十三事月蝕九十九事課皆第一五星議曰太初三

統曆歲星十二周天超一次推商周間事大抵皆合
驗開元注記差九十餘度較曆必稽古今注記入氣
均而行度齊上下相距反復相求苟獨異於常則失
行可知較史官所記歲星二十七事熒惑二十八事
鎮星二十一事太白二十二事辰星二十四事開元
曆課皆第一志凡唐著紀三百八十九年日食九十
三刻九十一晦二日一

漢賈逵曆論引史官注太史候注劉洪攷古今曆注
前乾庶曆參校古今記注 劉知幾奏記蕭至忠言
五不可曰今史官注記類稟監脩

唐古今注記序唐開元紀號九載制詔太史麟德曆
推步闕疏合朔婁爽其更造密度定大明之制爲萬
世則繇是臣一行治新曆倚數立法本諸大衍越十
五載草具其書申命臣說纂次爲術七畧例議十有
二而古今注記呂稽氣度之行入見于五星議著雍
執徐之歲仲秋乙巳書成越明年詔行焉維注記之
書實欽天授時之樞要是不可亡序夫治曆之法以
人占天非難以古驗今爲難渾元初基靈曜未紀黃
序肇制綜術維六論者猶曰重黎記注象應著名然
則遂古之初若有常憲爰周建官大史正歲年馮相

會天位保章志變動咸有典籍用紀蕃祥矧越禩五千改曆凡七漢氏曆譜十有八家準度起元可不參究是故史遷呂諤記譜年數班生呂著紀志日食賈逵議黃赤道按太史候注明月行日度之遲疾劉洪朔乾象術攷古今曆注定斗分紀法之進退暨晉咸寧乾度泰始二曆參校古今注記之名於是始見疇人日官苟求其故則孟春建正不必虞史而後明八百歲一日之差不必下閏而後識然數學不遂則運算舛史學不博則立論疏大初至麟德名家二十三九章至漏經曆算之家三十六春秋至開元曆氣之

事三十一上元甲子距開元積算九千六百九十六萬一千七百四十造計秒名就研其幾維茲新曆參天地二中之數綜八卦六爻之序研九疇五紀之兵本五王一侯之式凡左氏國語夏正時訓歷代之史百氏之書釐錙折銖冰渙縷解有若中氣之議曰前代史官注記較元嘉之日景合朔之議曰漢元光曰來注記驗日食之加時此稽諸古也月食之衝曰太史注記攷日度歲星之次曰開元注記推商周此揆諸今也至于額帝攝提之元据於曆記帝堯演紀之端參於古史候簿卽氣朔之差訂殷曆之非卽日食

先後明周魯歷之僞或辨古曆星度或采麟德實錄
躔離發斂脂合載籍推法密要爲唐曆宗微一行數
學之遠說史學之博疇克臻茲鋪觀史志古今日食
四十三加時三十七月食九十九史官記五星之事
百二十有二開元曆課皆第一二十一載龍集癸酉
復詔侍御史麟太史令執圭較靈臺候簿而是非堅
定蓋不通古今無呂成其數之密不證古今無呂表
其術之精繇至德迄崇元損益其法摹規擬矩莫能
改錯揆元探筭而注記實啓之抑五星議有曰吉凶之
象天呂警悟人主則是書亦君德之著蔡豈猶爲曆

數設哉按隋志天文類太史注記六卷開元著錄軼而亡傳會要載古今曆書爲卷二十四與太衍曆俱上志亦不著云

唐時政記 聖政紀

百官志

兼列傳會要舊史

永徽後左右史惟對仗承旨仗下

謀議不得聞長壽二年正月忒申文昌左丞相姚璩以爲帝王暮訓不可缺紀建議仗下後宰相一人錄軍國政要爲時政記月送史館時政有記自壽始然推美讓善之道行信史直書之義缺於時事尚十得四五未幾亦罷貞元十二年正月宰臣趙璟對延英

上問起居注記奏曰永徽後仗下謀議不得聞注記
但於制敕內采錄長壽中姚璩撰時政紀此事又廢
上曰君舉必書義存勸戒時政紀宰相宜依故事爲
之元和八年十月延英對宰臣問時政記於監修李
吉甫對曰是宰相記天子事以授史官之實錄也姚
璩修於長壽及璩罷而事廢賈耽齊抗修於貞元及
耽罷而事廢十二年九月舍人庾敬休請宰臣及諸
司對後事可勸戒者宰相示左右起居綴錄李送史
館旣而宰相以幾密不以告事竟不行自左右史失職於今幾一
百五十年長慶元年四月中書門下奏時政記久廢史官

惟寫誥詞除授請以謀議事關政事者許臣等隨日

撰錄號聖政紀歲末付史官

舊紀長慶元年四月戊寅宰臣崔植杜元穎奏

請坐日有君臣獻替事關理體隨日撰錄號爲聖政紀歲終付史館從之事亦不行

來鵠爲聖政紀頌

大和元年十二月詔入閣日郎舍人具筆紙立螭頭

下復貞觀故事開成三年二月楊嗣復爲相時延英

訪對史臣不及知嗣復建言故事正衙起居注在前

便坐無所紀錄姚壽趙憬皆請置時政記不能行臣

請延英對宰臣往復之辭委中書門下直日紀錄月

終送史館它宰相議不同止會昌二年十月中書門

下奏時政紀起居注記修史例每聞聖言有慮及生

靈事關興替依故事知印宰相撰錄歲末付史館大中六年裴休同平章事奏言宰相論政上前知印者次爲時政記所論非一詳已辭畧他議事有所缺請宰相人自爲記付史官詔可

五代史後周李穀監修國史請命近臣錄禁中事付史館乃命樞密直學士就樞密院錄送史館自此始來鵠聖政紀頌序貞觀永徽之代言事者安論紆辭無疑權慮勢正衙一開則臣誠前而啓之帝旒近而鎮之史筆隨而絡之由是君臣謀國圖政之事俞機都要之言豐編照物偕籍于堯典永徽之後宰執不

正狼噬虎食乃奏史官與百僚俱退君有問而宰臣知之史官不得與於聞君有舉而宰臣謀之史官不得記其事次第周行檢錄制誥與冗吏同工而已史臣者當國之鏡千億代之眉目也磊磊其事鏗鏘其聲雲詠波詠倦編列等

唐集賢注記

志職官類韋述三卷

書目二卷學士韋述紀置院

經始及開元天寶中學士名氏皆隨文注釋

今本二卷乾道

九年六月洪遵以大清樓本校之歷可讀

韋述自登書府至天寶十五

載凡四十年緬想同時凋亡已盡後來賢彥多不委

唐集賢注記

書院本末歲月漸久或慮湮沉敢因東觀之暇聊記
置院經始及前後學士名氏事皆親覩不敢違隱時
丙申歲二月也注麗正殿在東宮正殿崇政殿之北
光天殿之南述以開元五年冬敕就秘書省撰續
王儉七志及刊校四庫書籍八年入麗正殿校勘十
三年三月授集賢院學士自開元十三年四月迄天
寶十五載二月集賢院修撰校理待制及文學直等
摠五十九人開元十三年四月至天寶十四載集賢
院學士直學士三十三人

唐司議郎記注

見東宮官

唐東觀奏記

志雜史裴庭裕東觀奏記三卷大順中詔修宣懿僖
實錄以日曆注記亡缺因摭宣宗政事奏記於監修
國史杜讓能會要大順二年二月敕吏部侍郎柳
玘等修宣懿僖實錄始監修杜讓能以三朝實錄未
修乃奏柳玘右補闕裴庭裕左拾遺孫泰駕部郎李
嗣太常博士鄭光廷等十五人修之踰年竟不能編
錄一字惟廷裕采宣宗朝耳目聞觀撰成三卷目曰
東觀奏記納於史館

淳化崇政殿起居注

淳化五年四月五日丙戌史官修撰張昺言聖朝編年謂之日曆惟紀報狀序敕文至聖政皇猷羣臣忠邪庶務沿革莫有紀述謹按六典故事請置起居院修左右史之職記錄爲起居注每月與時政記同送史館上嘉之乃置院於禁中命梁周翰李宗諤掌郎舍人事修撰體式檢討故事以聞丁酉周翰等言禮記左史記言右史記事漢武帝有禁中起居注魏晉職歸著作後魏始置起居令史行幸宴會則在御坐左右記錄後別置起居注二人北齊有起居省隋置

舍人唐初隸門下顯慶中郎舍人分屬兩省今陛下
重興右道乞今後應有崇德殿長春殿皇帝宣諭之
言侍臣論列之事依舊中書編爲時政記月終送史
館自餘百官封拜除改沿革之事並令關報起居院

以備編錄每月送史館仍命郎舍人分直崇政殿以

記言動別爲起居注每月先進御後付史館從之

起居

注進御自周翰等始自後爲同修起居注又以注記
檢討書籍事屬史館

朝銓曰周翰宗謨建言起居

注先奏御豈不愧於唐
褚遂良魏謩二子哉

慶曆三年十一月辛卯同

修注歐陽修請上殿臣僚少留殿門俟修注官出面

錄聖語又請更不進本從之 至和元年八月二十

四日知制誥賈黯乞修注官入侍邇英閣事有可書
隨即記錄二年三月丁卯令立侍諫官兼修注自熙
寧二年四月八日陳襄范純仁始 元豐二年五月

一日王存兼修注存建言臣僚登對許記注官侍立
後不果行 五年四月二十五日改修注爲郎舍人六

年九月戊辰令郎舍人隨左右分紀言動 元祐元年

二月詔不分記

崇寧元年十月詔前殿視朝左右史

於殿門供奉 紹聖二年四月詔修注官講求典故

詳定當書者著爲式

會要載政和修注

兩朝志天子御正殿記注官不侍左右惟朝會對立

於香案前常日更番遞直於崇政延和二殿行幸從上出入

神宗史志

御正殿則俟於門廡外使殿則

侍立行幸則從大朝會則立於殿下螭首之側凡朝廷命令赦宥執政官以下進對御史刺史以上除拜祭祀燕享臨幸引見之事日月星辰風雲氣候之兆祥瑞之符孝悌之行戶口之數皆書以授著作

隆

興元年起居郎胡銓言史職之廢有四一曰進史不當二曰立非其地三曰前殿不立四曰奏不直前

云

五月一日詔前殿令左右史侍立

景德時政記

元豐

紹興

乾道

開寶七年閏十月庚申史館修撰扈蒙請委宰相及

參政凡事經聖斷可書簡策者錄付史館乃命參政

盧多遜纂錄未成書今史館書目有是年時太平興

國中直史館胡旦復以為言八年八月辛亥詔中書門

下凡國家之事宜諭之言令參政李昉纂錄每季送

史館密院亦令副使一人撰集昉上言請每月先奏御後

付所司從之時政記奏御自助始昉為相參政蘇易簡代之自

是中書皆參政編錄惟呂蒙正常以宰相領時雖有

時政記之名但題云送史館事件至景德元年始題

云時政記端拱二年十月中書門下言每御前殿密院先上宣諭嘉言無由聞知遂詔副使張

齊賢抄錄送中書同景德三年五月丙午詔樞密所

修爲一書而授史館修時政記至次月十五日送中書

時王欽若陳堯叟

同修祥符五年六月壬戌令月送史館先是密院月

錄送中書至是欽若等請別撰不關中書直送史館

嘉祐六年七月八日詔月終進呈從諫官龔鼎臣之

請也

實錄七月戊子詔中書密院累年未修時政記自今隨月撰進戊子一云巳丑元祐四年四

月壬戌詔三省官輪修

元豐五年五月六日詔兩省樞密院

時政記

侍郎同知樞密修

尚書省

左右丞遞修

三省

得旨及宣諭於當日記錄元祐四年四月壬戌

二十日

詔三省月以所得旨及宣諭輪修建炎四年五月九

日有三省樞密院輪修之詔紹興四年三月十八日

庚辰

詔自建炎元年五月一日至四年四月一日以

前時政記令前宰執省記編類十月七日簽書樞密

胡松年以建炎四年十一月至紹興元年四月時政

記六卷上之紹付史館五年三月十二日乙酉觀文

大學士李綱進建炎時政記二册付史館二十六年

九月二十五日知樞密湯思退請每月具錄聖語同

時政記上進乾道三年五月丙寅

二十四日

右史陳良祐

請臣僚奏對所聞聖訓令隨事疏報不得以無所得

聖語爲解五年十一月甲寅左史林機左右史記言

動周官也剪桐之戲史佚執以爲辭如棠之舉臧倍
伯援之而諫慶曆三年歐陽修請臣寮奏事退俟修
注官出面錄聖語七年王贛請備錄關報遂爲定制
望舉慶曆之典從之七年正月二十三日詔三省密
院所修時政記於二月一日繳進二十九日中書門
下言三省錄記聖語舊以宣諭聖語爲名進訖付時
政記房詔以三省宣諭聖語爲名與時政記同進隆
出付日曆所八年十一月十九日詔次旬終繳進先
是七年正月二十三日詔每旬修時政記於次旬一
日進

三才卷四十一
天禧聖政紀

天禧四年十一月壬戌輔臣請中書密院取時政記
美事別爲編錄從之命錢惟演王曾編次丁謂等參
詳五年三月取至道至祥符時政記日曆起居注美
事錄爲聖政紀凡百五十卷

正月癸卯上作序示輔

臣
仁宗乾興元年八月辛亥賜輔臣又掇其事之
之要者爲真宗政要

咸平六年八月戊寅直祕閣錢惟演上咸平聖政錄
二卷詔付史館 修真宗實錄而起居注缺命程琳
追修祥符以來三十卷上之

景祐邇英延義二閣記注

元祐附

景祐二年正月己酉置邇英延義二閣三年正月乙巳說書賈昌朝言天子諸侯朝有二史厥後兩省置左右史所記事曰起居注唐長壽中姚璿以左右史不預升殿請中書門下修時政記明皇推愛宗室宴禁賜予外不悉知寧王憲請歲終錄之授史官正元末韋執誼執政日修朝廷政令咸錄本朝用長壽正元故事以樞密謀參帷幄於本院修時政記隻日便坐決事遊幸宴集左右在列臣幸侍經禁中陛下以清間之燕向學稽古微言善道最高前聖事在雙日

杏隔嚴宸時政記史館日曆及起居注莫得纂述臣
自景祐元年春迄二年冬凡經筵侍臣出處升絀封
章進對宴會賜予皆用存記列爲三卷乞付史館詔
可以邇英延義二閣記注爲名

昌朝誦說明白
上多所質問

命章

得象等續修之至和元年八月戊午知制誥賈黯言
乞令修起居注隨入閣中記事詔命賜坐於御榻西
南二年三月丁卯詔立於講讀官之次石揚休言恐
上有宣諭遠而不聞因令立侍

王拱辰乞編集講筵

聖諭

元祐六年

一本作七年

八月二十四日范百祿奏

復修邇英閣記注從之一十七日

甲寅

宰相呂大防

言近講筵乞修記注已有旨施行今史院有邇英延
義二閣記注具載仁宗與講讀官議論臣嘗進仁宗
聖學事迹有未備者欲寫二閣記注進入以備聖覽
其後詔國史院寫二本進入別寫一本送資善堂

紹興邇英記注

二十八年五月十八日

丁丑

起居舍人洪遵言陛下

延見儒臣紬繹經史左右二史旅進旅退微言善行
缺無所紀欲自今年八月秋講爲始經筵官除罷及
封章進對燕會錫予講讀問荅等事悉行編錄以邇
英記注爲名從之九月二十七日甲申遵請依講讀官

奏事遵又言紹興九年以後起居注未修者殆十五年請每月帶修兩月庶幾天德地業赫然與日星並傳從之二十八日詔郎舍人依講讀官奏事從遵之請也

時爲起居郎

二十九年八月己卯舍人楊邦弼言紹興

起居注未修者凡十六年望每月帶修一月從之三年二月徐俯進春秋解義上以宰渠伯書名爲貶宰臣請編之記注永爲大訓癸巳從之

乾道祥曦殿記注

二年十一月十三日壬子起居舍人洪邁言景祐以來有邇英延義記注數十年來稍廢不續臣伏觀今

月五日王暉進讀春秋莒人伐杞上曰春秋無義戰周教羔進讀三朝寶訓論文章之弊上曰文以理爲主陳岩肖奏刑部事上曰寬則容奸急則人無所措手足凡此數端皆承學之臣日夜探討累數百語不能盡而陛下蔽以一言然記言動之臣不能究宣乞自今講讀官以日得聖語送修注官使謹書之願倣前制因今所御殿賜名祥曦殿記注從之

淳祐緝熙殿記注

二年五月二十五日詔經筵遵舊制以每日講讀經史奏對進故事及章疏纂爲緝熙殿記注編類成表

每月進入

三沙年片ノ

五二

玉海卷第四十九

浚儀王應麟伯厚甫

藝文

政要寶訓

聖政

皇祖之訓著于夏書文王之謨述于周命商書立書陳烈祖之成德漢弼論道守高皇之定規魏相稱國家舊事可以奉行文宗讀貞觀要錄有意求治

夏政典

書胤征政典曰

二云云

注夏后爲政之典籍若周官六

卿之治典

夏訓 周訓 訓語 訓典

書五子之歌其一曰皇祖有訓民可近不可下

注禹有訓

戒其二曰訓有之其四曰有典有則

注典謂經籍

胤征

聖有謨訓

伊訓聖謨洋洋

說命學于古訓

多

士殷先人有册有典

顧命赤刀大訓弘璧琬琰在

西序

注大訓虞書典謨

畢命弗率訓典殊厥井疆

君牙

由先正舊典時式

注先正之臣所行故事舊典文籍

丕顯哉文王謨

詩烝民古訓是式

左傳襄四年魏絳曰夏訓有

之注夏書

周語祭公謀父曰我先世后稷事虞夏

夏之衰也不宓失其官不敢怠業修其訓典朝夕恪
勤奕世載德太子晉曰若啓先王之遺訓省其典圖
刑法而觀其廢興晉語陽人有夏商之嗣典有周
室之師旅楚語申叔時曰教之訓典使知旅類行
比義焉注訓典五帝之書左史倚相能道訓典鄭語史伯
曰訓語有之注周書漢志道家周訓十四篇注師古
曰劉向別錄云人間小書其言俗薄淮南子孔子
修成康之道述周公之訓說文典五帝之書从冊
尊閣之也唐曆志仲康肇位四海復修大禹之典

唐太宗政典

李延壽傳撰太宗政典調露中高宗觀之咨美直筆

賜其家帛五十段藏副祕閣別錄以賜皇太子 會

要舊史調露二年二月一日丙午詔故符璽郎李延

壽撰政典一部辭彈雅正寫兩本一付祕書一本賜

皇太子 志雜史李延壽大政典三十卷一本云

三篇太宗撰開元中臣僚獻之儒家楊浚聖典三卷校書郎開元中

上類書劉秩政典三十五卷

唐貞觀政要 太宗勳史

志雜史吳兢貞觀政要十卷太宗勳史一卷 書目

兢於太宗實錄外采太宗與羣臣問對之語以備觀

戒爲政要凡四十篇十卷始君道政體任賢求諫終
於謹終表云比見朝野七庶論及國家政教者咸云
若陛下之聖明克邁太宗之故事則不暇遠求上古
之術必致太平之業序云有唐良相曰侍中安陽公
源乾曜中書令河東公張嘉貞爰命下才備加甄錄
君道政體 一卷 任賢求諫納諫二君臣鑒戒論擇官
上下論封建 三 太子諸王定分尊師傳教戒太子規
諫太子 四 仁義論忠義孝友公平誠信 五 儉約謙遜
仁惻謹所好謹言語杜讒邪論悔過論奢縱論貪鄙 六 崇
儒學文史禮樂 七 務農刑法赦令辨興亡貢賦 八 謹征

伐議安邊 九行幸田獵災祥謹終 十凡十卷四十篇

既以魏徵論爲君之道爲首又以徵論克終之道爲末蓋太宗時惟徵爲善諫上有所問必指近事以爲據而不爲泛濫迂闊激訐之言太宗樂聞而喜從之治幾成康徵功爲多按兢表上是書史缺歲月兢序有曰有唐良相曰侍中安陽公中書令河東公命加甄錄以表攷之乾曜嘉貞開元八年五月始拜是官

按本紀開元八年乾曜爲侍中張嘉貞爲中書令一年而嘉貞貶十五年乾曜罷至九年九

月張說亦相若二公並相之時蓋可知矣其上於開元八年九年歟 會要元和二年十二月謂宰臣曰

近讀貞觀政要粗見當時之事以太宗神武一事少
差諫者往復數四况朕寡昧事不得中者卿須十論
不得一二而已六年三月帝曰嘗讀貞觀政要見太

宗立言行事動本至仁文宗贊文宗恭儉儒雅出

於天性嘗讀太宗政要慨然慕之及即位銳意於治

故大和之初政事修飭號爲清明魏謩傳文宗讀

貞觀政要思魏徵賢詔訪其後同州刺史楊汝士薦

徵孫暮拜右拾遺大和九年十月通鑑宣宗書貞觀政要

於屏風每正色拱手而讀之宋朝仁宗慶曆七年

四月辛未嘗讀太宗政要亦云太宗言任人必以德

卷之三十一 每卷一 日 卷之三十一 每卷一 日

嘉靖丙辰年

王治卷四十九

四

行學業爲本。王珪曰：人無學業，豈堪大任？帝復曰：人臣不可不知書。宰相尤湏有學。

唐開元政要

楊嗣復傳開成四年

會要作三年

文宗閣內謂宰臣曰：臣等未見陛

云延美問

新修開元政要叙置如何？嗣後曰：臣等未見陛下欲以此書傳示子孫，則宣付臣等參詳可否。緣開

元政事與貞觀不同，或好收，或好聲色，選賢任能，未得盡美。撰述示後，所貴作，豈容易哉？

志雜史

李康明皇政錄十卷

崇文同

唐唐錄政要

志雜史類凌璠十二卷

崇文目同

昭宗時江都尉

書目

十三卷起獻祖宣帝至唐末以事繫年冠之甲子

咸平聖政錄

見錄類

六年八月戊寅直祕閣錢惟演上二卷詔付史館

天僖聖政記

見御集類

五年三月百五十卷

乾興貞宗政要

乾興元年九月戊子召輔臣至延慶殿東廡觀金書
真宗謝天書表及出政要十卷示之政要蓋上於先
帝聖紀中掇其事之要者纂爲此書

天聖三朝寶訓

詳見帝學

天聖五年十月乙酉監修史王曾言唐史官吳兢於正史實錄外錄太宗與羣臣問對之語爲正觀政要今欲采太祖太宗真宗實錄日曆時政記起居注其間事迹不入正史者別爲一書與正史並行從之六年五月曾奏委李淑修纂宋綬馮元看詳九年二月淑又奏直集賢院王舉正同修十年正月卽明道元年敕以三朝寶訓爲名明道元年二月癸卯書成凡三十卷監修國史呂夷簡請承明殿上進賜編修官王舉正李淑章服參詳馮元夏竦監修呂夷簡策賜器幣

寶元二年十二月二十日詔侍讀學士李淑就資善堂刪整三朝寶訓以備來春進讀閏十二月淑乞令丁度同修詔可康定元年四月十八日淑又言寶訓欲先讀第一卷政體聽斷事外却取第十三卷以後將帥邊防夷狄事進讀庶幾戎備邊政蚤得敷啓寶元二年十一月六日以皇子生宴輔臣宗室于太清樓觀三朝寶訓賜御詩又出天人祥異書慶曆初命侍臣卽邇葉延義二閣與前史更讀

康定永熙政範

見御集

二卷 一云三卷

慶曆三朝太平寶訓

亦曰祖宗故事亦曰太平故事

中興書目三朝太平寶訓二十卷

三朝政要釋明策備

門類始

於賞罰終於延諫臣

一云納直諫

其間典法深大今世不

能遵守者於逐事之後各釋其意意相類者止釋一

事明白者不復釋

紹興八年七月呂源爲增釋上之

慶曆三年九

月樞密副使富弼請考祖宗故事可行者爲書

言欲選官

置局將三朝典故及久來諸司所行可用文字分門類聚編成一書

置在二府俾爲模

範得以遵守上嘉其奏丙戌命史館檢討王洙集賢

校理余靖歐陽修秘閣校理孫甫等同編命弼領之

名曰太平故事四年九月上之凡九十六門二十卷

弼爲序凡三朝賞罰之權威德之本責任將帥之術

升黜官吏之法息費強兵之制禦戎平寇之畧寬民
恤災之惠睦親立教之本御臣防患之機察納諫諍
之道率編錄焉 紹聖三年九月四日太僕寺簿龔
夬請詔儒臣自仁宗至元豐之末續加編類

慶曆三聖政範

慶曆中詔三館臣僚言事秘閣校理孫甫撰三聖政
範以進凡十三事一本作三朝政事十三篇以進皆治體之要大畧
以祖宗故事校當世治有畧所不逮者論述爲諷諫
諫院

三朝聖政錄

嘉州判官石介撮取太祖太宗真宗三聖之政爲書
凡十九條始君道英斷謹惜名器終戒貪吏每篇末
自爲贊以申諷諭序曰唐吳兢爲正觀政要臣竊効
之作三朝聖政錄韓琦爲序謂上以述列聖之美次
以達一人之聽建炎四年五月饒州進士程康國
上三朝聖政錄贊十一日賜銀三十兩

書目皇朝政錄十二卷紀太祖太宗真宗三朝聖政
以三朝相臣姓氏各附卷末不知作者永熙寶訓二
卷李昉相太宗修時政記其子宗諤錄遺藁纂出五
十六事進于仁宗朝國朝寶訓二十卷不知作者別

爲二十門撫開寶訖治平中政事謨訓之大者神宗寶訓五十卷不知集者載聖政凡七十三門德音寶訓三卷中書舍人曾肇采神宗謨訓事迹分四十六門編輯上之

慶曆讀祖宗聖政錄

慶曆四年二月二十三日丙辰帝御崇政殿西閣

一作

迎陽閣

閣中四壁各張畫圖載前代帝王美惡之跡可

爲規戒者命兩府臣僚入閣觀之旣而宣天章閣侍講曾公亮講毛詩王洙讀宗祖聖政錄侍讀丁度讀前漢書數刻而退自西邊用師罷進講說書趙師民

上疏因獻勸講箴至是復命講讀

景祐讀正說於邇英 寶元觀三朝寶訓於太清樓

慶曆三年置三朝太平故事於兩府五年讀三朝
經武聖略於邇英 皇祐元年觀三朝訓鑒圖於迎
陽門

仁宗君臣政要

張唐英編進自天聖初至嘉祐八年三月凡二百八
十有五條分四十卷

隨事
立題

元豐兩朝寶訓 元豐聖訓

元豐五年六月八日戊午宰臣王珪言天聖中修真

宗正史別錄三朝寶訓以備省覽今當修仁英兩朝
寶訓詔吏部郎曾肇著作佐郎林希編修至六年四
月十九日書成凡二十卷希上之賜銀絹二百紹興
六年五月希子虞以副本來上始於孝德終於治
夷分七十六門
起居舍人林慮編集神宗大猷丕訓爲一百門二十
卷上之起孝德迄遠夷名元豐聖訓

或取三朝兩朝稗爲五朝寶訓

元祐仁皇訓典

書目六卷凡三百一十七事 國史修撰范祖禹採

仁宗聖政數百事編錄成書名仁宗訓典元祐七年

進凡六卷范祖禹作序云祖宗以聖繼聖其治尚仁而仁宗得其粹焉古者爲書以勸戒人君唐吳兢作正觀政要仁宗命史臣編三朝寶訓神宗亦論次兩朝事陛下又命臣以神宗之訓上繼五朝以備邇英進講臣竊惟仁宗言爲謨訓動爲典則實守成之規矩致治之準繩謹錄天禧以來迄于嘉祐五十年之事凡三有年有七篇爲六卷名曰仁宗訓典首上性至孝次却繳扇十廟門次錄囚徒終於仁民愛物此書惟紀述仁政大畧學問之事爲別錄具于帝學篇元祐七年十一月癸巳上

一本云元祐七年十二月辛亥乞撰錄成書八年正月十九日進長

編同 序亦云八年正月上 建炎
四年七月己巳詔范冲上之并帝學

元祐修神宗寶訓

紹興

政典

六年八月二十三日呂大防言乞令史院修進先朝

寶訓以備邇英進讀從之 紹興二十八年三月七

日丁卯監修沈該祕書少監曾幾著作佐郎陳俊卿

正字林之奇上神宗寶訓一百卷先是十三年詔張

闡專修至二十六年二月癸巳著作佐郎周麟之復

請修纂神哲兩朝至是成書 大觀四年張商英摺

神宗政典六卷三十篇宣和七年六月十四日七朝

寶訓書成 宣和中修哲宗寶訓

不

三才卷四
一
三〇四
紹興國朝訓典

元年六月戊辰迪功郎諸葛行言獻國朝訓典乞爲
其兄行仁推恩詔補行仁將仕郎

紹興祖宗英睿龜鑑

十卷紹興中歐陽安永撰太祖迄神宗六朝雄圖遠
略可行於今者編集著論上之十年正月二十九日
詔賜束帛令秘書省錄進

紹興太祖政要

書目一卷紹興中秘書郎張戒采摭太祖聖政之大
者立題著論爲十四篇上之

紹興中興聖語

紹興二十六年五月丙辰左僕射沈該監修國史自
秦檜專政所書聖語多以己意有非玉音者該奏
之而取國史所書自上即位至今通三十年纂為
興聖語六十卷

隆興祖宗事要

二年七月三日詔劉大辯進祖宗事要詳備今盡錄
來上

乾道哲宗寶訓

三年三月二十二日同修史洪邁言修纂哲宗寶訓

已歲五月戊戌上之一日云五月凡一百門六十卷并
目錄二卷

紹興二十八年八月辛亥中書舍人王剛中兼史館
脩撰修哲宗徽宗寶訓

乾道光堯聖政

紹興三十二年六月丁亥詔曰朕惟太上皇帝臨御
三紀法令典章粲然備具嗣位之初深懼墜失其議
設官裒集建炎紹興以來詔旨條例以聞朕當與卿
等恪意奉行以對揚慈訓既而命吏部侍郎徐度刑
部侍郎路彬稟集隆興元年三月十六日令編類

聖政所修纂光堯壽聖太上聖政凡大號令大政事
合遵行者並編類每月投進以凌景夏有請也。乾
道二年閏九月二十九日巳巳日曆所上聖政六十
卷十月癸酉恭進前期設次于德壽宮其日皇帝詣
德壽宮以聖政冊北鄉躬進凡九百五條又御製序
序曰夙寤晨興兢兢業業惟大猷是經舊章是循

淳熙光堯慈訓

五年十一月一日右丞相臣浩言陛下登位十有七
年親聞太上聖訓與夫陛下問對玉音外庭不得而
知史官不得而書請令輔臣隨時奏請俾之登載日

曆或宣付史館別爲一書使天下後世知聖朝慈孝之德從之二十七日詔日曆所書太上聖訓皇帝問對玉音以光堯慈訓爲名

紹熙孝宗聖政

淳熙十六年二月二十九日有旨令編類壽皇聖政紹熙三年十二月四日上五十卷御製序十二月壬寅進呈癸卯詣宮恭進凡六百四十一條五十冊序曰寶章玉冊希闕之典備於三宮廟謨宸斷溫厚之辭被於百辟而詠歌休威臺寫功德之人又徧天下豈惟史臣將夫人能記之豈惟今日將後世亦能記

之亦越成書是訓是式率舊因餘庶幾底乂文王演
易周公系辭父作子述切所慕焉

紹熙壽皇聖範

三年十二月十四日御史臺檢法李謙倣正觀政要
仁皇訓典諸書為壽皇聖範十卷共一百四十門一
千一百五十事始於聖朝盛事終于頌聲

慶元光宗聖政

慶元六年二月戊寅二十上太上皇帝光宗聖政三

十卷并口曆會要玉牒同進巳卯率群臣進壽康宮親製序先

是五年十月五日詔開局編類置檢討官二員鍾必萬揚

嘉定高宗寶訓 孝宗寶訓

嘉泰二年二月十二日學士陳宗召請用天聖元豐故事輯高宗寶訓七月命史院脩纂嘉定六年閏九月二十七日上下七十卷十一月三日進讀十四年終篇至十四年五月九日壬辰又上孝宗寶訓六十卷并目錄二卷繇聖孝至方技先是十一年三月壬辰任希夷等奏修七月乙酉命袁燮編類

淳祐光寧寶訓

四十卷淳祐十一年二月乙未上先是嘉定十四年

七月丁未開院光宗寶訓

景定聖訓

見東宮類

淳熙中校書郎劉光祖取太祖太宗治要彙爲十節
爲兩朝聖範上之 蔡幼學撰國朝政要編年四十
卷自建隆迄靖康 李璣撰十朝綱要 陳傅良有
開基事要十卷亦曰建隆編 陸經記祖宗獨斷凡
十事一卷

立國不以力勝仁理財不以利傷義御民不以權易

信用人不以才勝德 典貽於子孫政布於方策神
墨靈式粲然具存 是訓是彝率乃攸行 洪業休
德體堯蹈舜 祕如河圖重若典寶 夏遵禹訓商
奉湯典周守文武之法漢循高祖之律唐行太宗之
制子孫享有天祿咸數百年 校石渠之議不如奉
高帝之詔書論延英之詩寧若讀太宗之政要 日
誦帝堯之言祗率文王之訓如奉弘璧如寶大龜
夏書陳皇祖之訓周命述文王之謨 太祖聖畧讀於
慶曆仁皇訓典覽於元祐 篤前人之成烈率乃祖
之攸行 陶唐之隆順考古典周成之美率由舊章

論史

韓愈論史云後之作者在據事跡實錄則善惡自見李翱謂指事載功則賢不肖易見

漢史要

隋志史要十卷漢桂陽太守衛觐撰約史記要言以類相從張瑩撰史記王傳九卷唐志雜史類衛觐史記要傳十卷正延秀史要二十八卷

蜀志孟光銳意三史

北史劉昫延明以三史文繁

著畧記百三十篇八十四卷

隋志史漢要集二卷

晉祠部郎王茂抄史記入春秋者不錄

唐志同

三史要

畧二十九卷吳張溫撰

唐志三十卷

晉譙周古史考

司馬彪傳譙周以司馬遷史記書周秦以上或采俗語百家之言不專據正經周於是作古文考二十五篇皆憑舊典以糾遷之謬至晉泰始中司馬彪復以周爲未盡善條古史考中凡百二十二事爲不當多據汲冢紀年之義亦行於世

蜀志譙周撰定法訓

五經論古史考書之屬百餘篇

隋志古史考二十

五卷晉義陽亭侯譙周撰

唐志同

左傳正義譙周考

古史以爲炎帝與神農各爲一人 小司馬三皇本
紀按古史考

蜀諸葛亮論前漢事

隋志正史類一卷

晉漢書集解

史通漢書舊無注解唯服虔應劭等各爲音義自別

施行

隋志漢書一百十五卷應劭集解唐志服虔音訓一卷應劭集解音義二十四卷

至典

午中朝爰有晉灼集爲一部凡十四卷又頗以意增

益時辨前人當否號曰漢書集注

隋志晉灼集注十三卷

金行

播遷此書不至江左爰自東晉至于梁陳南方學者

皆弗之見有臣瓚者莫知氏族考其時代亦在晉初
又總集諸家音義稍以已之所見續廁其末舉駁前
失喜引竹書凡二十四卷後人不知臣瓚所作乃謂
之應劭等集解斯不審矣

索隱班氏書諸儒共所

鑽仰蔡謨集解之時已有二十四家太史書殘文斷
句尤難考詳古今注解者絕希

蔡謨傳摠應劭已

來注班固漢書者爲集解

劉臻精於兩漢書特稱漢

聖

隋志晉劉寶漢書駁議二卷

寶爲中庶子侍
皇太子講漢書

隋志梁時明漢書有劉顯

音二卷

韋稜續訓五卷

陳

有姚察

訓纂二十卷集解一卷定漢書疑二卷

隋有

包愷

音十二卷

蕭該

音義十二卷
今本二卷

並爲名家

漢書學
以蕭包

爲宗

史記傳者甚微梁有孟康音九卷劉孝標注一

百四十卷陸澄注一百二卷梁元帝注一百十五卷

並七

項岱注漢書敘傳五卷

雜史類晉葛洪漢書鈔

三十卷

齊史林

南史齊太祖建元四年詔東觀學士撰史林三十篇
魏爽身覽之流也

梁阮孝緒正史削繁

隋志雜史九十四卷
南史梁袁峻抄史漢各爲二

十卷崔慰祖云常欲注遷國二史採史漢所漏二百餘事

漢張衡傳條上遷國所敘與典籍不合者十餘事

唐御銓定漢書

志御銓定漢書八十七卷高宗與郝處俊等撰顏師古注一百二十卷顏師古傳爲太子承乾注漢書

上之賜物二百段新注漢書敘例載諸家注釋名氏爵里後漢荀悅服虔應劭伏儼劉德鄭氏李斐李奇魏鄧展文頴張揖蘇林張晏如淳孟康項昭吳韋昭晉晉灼劉寶臣瓚郭璞蔡謨後魏崔浩

孝文紀注中援胡公韶而敘例不列

師古注敘例曰歲在重光律大中曰其當始就武德初師古叔遊秦撰漢書決疑十二卷師古多資取其義

唐漢書學

敬播傳房玄齡患顏師古注漢書文繁令撮其要爲四十篇是時漢書學大興其章章者若劉伯莊秦景通兄弟劉訥言皆名家

唐志敬播注漢書四十一卷音義十二卷

顏師

古傳精訓故學所注漢書急就章大顯于時初師古叔游秦撰漢書決疑

十二卷

師古多資取其義

又見上

王勃傳九歲得師古注漢書讀之作指瑕槌其失

隋志史記漢書師古法相傳並有解釋

漢疏四卷

唐志姚察漢書訓纂三十卷姚瑱紹訓四十卷顧胤

古文集義二十卷李善辨惑二十卷元懷景議苑

開

元右庶子卷七

文史類裴傑史漢異義三卷開元十

七年上授臨濮尉

漢班昭傳漢書始出多未能通馬融於閣下從昭受讀後又詔融兄續繼昭成之

唐史記至言

褚無量傳爲乾元殿修書使所撰述百餘篇卒後有於書殿得其所講史記至言十二篇帝歎息以絹五百疋賜其家志雜史類褚無量帝王紀錄三卷

唐史記索隱

志司馬貞史記索隱三十卷 序史記晉有徐廣始
考異同作音義十三卷宋裴駟取經傳訓釋作集解
合爲八十卷雖粗見微意而未窮討論南齊鄒誕生
亦作音義貞觀中劉伯莊又作音義貞採求異聞採
摭典故解其所未解申其所未申者釋文演注又重
爲述贊凡三十卷

唐史通 析微

劉子玄傳名知幾中宗時領史事自以爲志不遂乃
著史通內外四十九篇辨評古文

知幾時爲中書舍人兼國史其序漢

儒論經白虎殿名曰白虎通予在史館成此書目曰
史通時景龍四年庚戌仲春漢求司馬遷後封爲

史通徐堅讀之歎曰爲史氏者宜置此坐右又嘗自

比揚雄雄準易作經當時笑之吾作史通俗以爲愚

沒後帝詔河南就家寫史通讀之稱善子玄領國史

且三十年官雖徙職常如舊曰史有三長才學識世

罕兼之三爲史臣再入東觀志文史類劉子玄史通二十卷

景龍二年作開元十一年十一月劉餗錄上柳氏釋史十卷柳繁一作史通析微史

通上秩自六家至自敘三十六篇及前敘及志中共

四十二篇自辨惑以下缺体統繼繆弛張文質褒貶

五篇下秩自史官至忤時十三篇內篇六家至弛張第三十八外篇史

官建置至作
時第一三

會要光化三年柳璨作析微紀子玄

之失纂成十卷

書目史通二十卷評議作史體例

商權前人駁難其失分內外篇內篇十卷三十六篇
又有體統紕繆弛張三篇缺外篇十卷凡十三篇案
自序自爲著作佐郎至祕書少監並兼史職因成此
書史通析微十卷隨篇評論其失凡四十九篇又第
十篇撫知幾四朝實錄之失 孫何著駁史通十餘
篇 晁氏志前世史部有史抄類而集部中有文史
類今世抄節之學不行而論說者爲多故自文史類
內摘出論史者爲史評附史部而廢史抄云

唐史例

劉子玄子餗天寶初爲史官父子三人更蒞史職著
史例頗有法 志文史類劉餗史例三卷沂公史例
十卷田弘正客撰 田弘正傳通春秋左氏客爲著
沂公史例行于世 舊史韋述史例一卷 書目劉
餗史例三卷以前史詳略由於無法故隱括諸凡附
經爲例劭必史例總論十卷必修唐書因取遷固陳
壽等書質以春秋之法爲三十篇上之 兩朝志林彙
史論二十卷

邵必史
例十卷

唐注後漢書

舊紀儀鳳元年十二月丙申皇太子賢上所注後漢書賜物三萬段

唐十三代史駁議

舊史吳武陵撰二十卷

後魏平常自周以降暨於魏世帝王傳代之由貴臣升降之緒皆撰錄品第商畧是非號曰略注合百餘篇

唐史記名臣疏

舊史竇羣學春秋於啖助之門人盧庇著書三十四卷號史記名臣疏貞元中蘇州刺史韋夏卿以丘園茂異薦兼獻其書不報及夏卿爲京兆尹復薦羣名

拜左拾遺

唐漢書古今集

舊史顧胤撰二十卷

皇祐前史精要

皇祐三年十月癸未

會要十月
二月

詔侍讀丁度等前後漢

書節義撰序及名甲申度等請名兩漢簡微前史精
要詔以精要爲名 實錄三年十月甲申觀文殿學
士上前後續漢書節義賜名前史精要五年九月壬
辰上前史精要後漢書三十卷

景祐漢書刊誤

國史志余靖漢書刊誤三十卷景祐初靖言漢書差舛
詔與王洙盡取祕閣古本對校踰年乃定著此議者譏
其疏謬程俱班左誨蒙三卷崔端詩爲廣蒙三卷

書目漢書刊誤一卷淳化中史館修撰張昞撰疏錄
義涉諸家字該兩體者凡六篇今附見諸卷後兩漢
博聞十二卷楊侃撰取名數解釋爲此書漢書標注
六卷劉敞攷奉世標注誤失東漢刊誤四卷劉敞嘉
祐八年奉詔與錢藻等六人刊正後漢書敞增損其
書凡字點畫偏傍不應古及其文句缺衍或引采經
傳有謬誤者率以意刊改

西漢刊誤一卷
傳以爲敞之書

吳仁傑

兩漢刊誤補遺十卷

嘉祐重校漢書

嘉祐六年十二月命祕書丞陳繹重校前漢書又詔參政歐陽修看詳熙寧二年八月六日參政趙抃進新校漢書印本五十冊及陳繹所著是正文字七卷賜繹銀絹先是景祐二年祕丞余靖言前漢書繆誤請刊正詔靖及國子監直講王洙校對踰年乃上漢書刊誤三十卷九月壬辰詔學士張觀等刊定頒行

元祐唐鑑

著作佐郎范祖禹與司馬光修資治通鑑分職唐史

采得失之迹善惡之效上起高祖下終昭宣凡一二

六篇爲十二卷名曰唐鑑元祐元年進

晁氏志

祖禹醇夫著此書取武后臨朝二十一年繫之中宗
其言曰此春秋公在乾侯之義也雖得罪於君子亦
所不辭觀此則知醇夫之從溫公決非苟同者唐

沈既濟經學該明召拜史館修撰初吳兢撰國史爲
則天本紀次高宗下既濟奏議請省天后紀合中宗
紀每歲首必書孝和在所以統之曰皇帝在房陵太
后行某事改某制紀稱中宗而事述太后名不失正
禮不違常夫正名所以尊王室書法所以觀後嗣議

不行 石介唐鑑五卷據姦邪宦女事迹

唐書備問

王曉二卷 程鵬唐史屬辭四卷四言成文兩兩相

比元祐元年楊傑序 呂夏卿唐書直筆四卷夏卿

預修新史此其在書局時所建明歐宋間有取焉如

增入高祖字叔德之類 竇苹音訓四卷新書多奇

字觀者必資訓釋苹發揮良多而其書時有攻革者

不知何人附益 吳縝辨證二十卷數新書初修之

時其失有八類其外誤二十門凡四百餘事縝不能

誤有又撰五代史纂誤五卷凡二百餘事縝不能

誤有又撰五代史纂誤五卷凡二百餘事 孫守

唐史要論十卷歐陽公司馬公蘇子瞻稱其書議論
精覈

紹興十七史蒙求

十八年陳夢協進十七史蒙求給事中韋壽成看詳
二月十七日加賜東帛劉義叟著十三代史志劉
氏輯曆春秋災異諸書胡衛通史緣起二十卷推
盤古以來衆說之異同

兩朝志國初承唐舊以史記兩漢書爲三史列于科
舉而患傳寫多誤雍熙中始詔三館校定摹印自是
刊改非一然猶未精咸平中校三國志晉唐書後又

校隋書南北史獨唐書以訛畧不用改修十七年乃成又以宋齊梁陳後魏北齊周七史各有正書或殘缺令天下悉上異本崇文院校定與唐書鏤板頒之唯五代史未得立

淳熙漢規

十三年二月五日宰執進呈鄭建德所著漢規上曰論可采可付秘書

漢兵志一卷又漢唐事要二十卷
西漢又疑五篇曰失實引古異言雜證注釋

友兩漢精義唐書精義 錢時兩漢筆記 陳

兩漢博議二十卷

何補西漢補遺一卷

劉夔晉

書指掌十二卷以事實類分六十五門

通鑑約說

陳瓘撰

瓘爲別試主文林自謂蔡卞曰聞瓘欲盡

取史學而黜通經之士意欲沮壞國是而動搖荆公之學卞謀因此害瓘遂禁絕史學瓘預料其如此乃於前五名悉取談經五名以下皆博洽稽古之士瓘曰當時若無矯揉則勢必相激史學遂廢矣瓘爲大學博士蔡卞方議毀資治通鑑板公聞之因策士題特引序文以明神考有訓林自以告卞密令置板高

閣不復議毀矣

權謂通監如藥山隨歌隨得又謂讀通監然後知文正之有相業也又謂

天下之變故無常唯稽往事則有以知其故而應變

王氏之學乃欲廢絕史學其事正與晉無異將必荒唐亂天下矣

讀史管見

胡寅既退居著讀史管見論周秦至五代得失其論其正蓋於蔡京秦檜之事數寄意焉

通鑑綱目發明

尹起莘撰通鑑綱目發明五十九卷

司馬公推本荀悅漢紀以爲通鑑若冊書之法著於稽古錄而不引之於此以相附近至於帝曹魏而寇

蜀漢帝朱梁而寇河東繫武后之年黜中宗之號與夫屈原四皓之見削揚雄荀彧之見取諸若此類其於春秋懲勸之法若有未盡用者此綱目之書所爲作也

荀悅曰立典有五志焉一曰達道義二曰章法式三曰通古今四曰著功勳五曰表賢能干寶之釋五志也體國經治之言則書之用兵征伐之權則書之忠臣烈士孝子貞婦之節則書之文告專對之辭則書之才力伎藝殊異則書之袁山松曰書之爲難有

五煩而不整一難也俗而不典二難也書不實錄三難也賞罰不中四難也文不勝質五難也程子曰讀史須見聖賢所存治亂之機賢人君子出處進退便是格物又曰讀史不徒要記事跡須要識治亂安危興廢存亡之理朱子曰爲學之序爲已而後可

以及人達理然後可以制事故程夫子教人先讀論

孟

次及諸經然後看史

呂氏曰讀史不可隨成敗爲是非又

不可輕立意見易出議論須揆之以理體之以身平心熟看又曰論一時之事紀傳不如編年論一人之終始編年不如紀傳真氏曰評世變者指經術爲

迂談性命者詆史學爲陋蓋亦觀諸聖門乎有五經以明其理有春秋以著其用論語所紀微而性與天道顯而忠信篤敬至於泰伯文王之爲德三仁之爲仁子產之惠卞莊子之勇莫不具論其所以然老子思孟子之學言天命之性者理也言王季文王之述作武王之達孝者用也言仁義者理也言井田學校之政三王五霸之功皐者用也善學者本之以經參之以史所以明理而達諸用也

三
游
名
四
一
九

三
二

始祖爲正姓者若炎帝姓姜黃帝姓姬周姓姬本
於黃齊姓姜本於炎宋姓子本於契云高祖爲庶
姓者若魯之三桓慶父叔牙季友之後鄭之七穆
子游子國之後爲游氏國氏云若今宗室屬籍者
以漢之同宗有屬籍則周家繫之以姓是也 古
者聖人吹律定姓以記其族後之命氏其義有九
蓋號謚爵國官字居事職之謂也自世本起于漢
氏昭穆著于晉家錫土之制著于夏書司商所掌
表於周典

黃帝二十五宗

國語晉司空季子曰黃帝之子二十五人其同姓者

二人而已唯青陽與夷鼓

皇甫謐云夷鼓一名蒼林

皆爲已姓青

陽方雷氏之甥也夷鼓彤魚氏之甥也其同生而異

姓四母之子別爲十二姓凡黃帝之子二十五宗

史記

記云二十

其得姓者十四人爲十二姓

得姓以德居官而賜之姓也二

人爲姬二人爲已故十二姓

姬酉祁已滕箴任荀僖姁依是也

唯青陽與倉林氏同于黃帝故皆爲姬姓同德之難

也如是

史記索隱曰姬姓青陽當爲玄囂

史記嫫祖爲黃帝正妃

生二子其後皆有天下曰玄囂昌意

漢王莽傳黃

帝二十五子分賜厥姓十有二氏

命歷序黃帝傳

十世二千五百二十年

或云十代

唐呂才曰

堪輿經

黃帝對天老有五姓之言

後漢書蘇竟曰三十五

姓注春秋連斗樞曰五七三十五人皆兆一德

古之典禮者皆以宗名伯夷作秩宗周官有宗伯下及都家有宗人

五帝繫謀

史記

三代世表太史公曰五帝三代之記尚矣

索隱曰此

表依帝繫世本

自殷以前諸侯不可得而譜周以來乃頗可

著孔子因史文次春秋紀元年正月日時蓋其詳哉至於序尚書則畧無年月或頗有然多闕不可錄故

疑則傳疑蓋其謹也余讀謀記

注謀者記系蓋之書

黃帝以來

皆有年數稽其歷譜謀終始五德之傳

黃帝終始傳

古文咸不同乖異夫子之弗論次其年月豈虛論於

是以五帝繫謀尚書集世紀黃帝以來訖共和爲世

表

索隱曰大戴禮有五帝德帝繫篇大史公取此起二篇之謀及尚書集而紀黃帝以來爲系表也

黃帝至顓頊三世帝侏四世帝堯五世至桀二十世
至湯十七世至紂四十六世至武王立十九世自黃
帝至堯舜禹皆同姓而異其國號以章明德

五帝考德

前漢歷志帝考德曰少昊曰清黃帝之子青陽也注

師古曰考德者考五帝德之書也又有堯舜禹帝系之書一史記太史公曰予觀春秋國語其發明五帝

德帝繫姓章矣

見下

歐陽修帝王世次圖序云司

馬遷作本紀出於大戴禮世本諸書今依其說圖而考之堯舜夏商周同出黃帝二云二云

唐帝系

虞帝系

禹帝系

前律歷志唐帝帝系曰帝嚳四妃陳豐生帝堯封於唐蓋高辛氏衰天下歸之木生火故爲火德天下號爲陶唐氏卽位七十載虞帝帝系曰顓頊生窮蟬六世生舜處虞之媯汭堯嬪以天下火生土故爲土德

天下號曰有虞氏卽位五十載伯禹帝系曰顓頊六世而生禹虞帝嬪以天下土生金故爲金德天下號曰夏后氏繼世十七王四百三十二歲大戴禮帝繫篇第六十三

始於少典終於塗山

史記太史公

曰孔子所傳宰子問五帝德及帝繫姓儒者或不傳予觀春秋國語其發明五帝德帝繫姓章矣正義大

戴禮及孔子家語篇名

索隱同

春秋正義司馬遷采

帝系世本以爲史記

蜀志秦宓見帝系之文五帝

皆同一族辨其不然之本

太平御覽引帝系譜女

媯充樂

堯百官族姓

堯典九族既睦平章百姓注百官也正義此下既言

黎民故知百姓卽百官族姓也左傳隱八年無駭

卒羽父請諡與族公問族於衆仲對曰天子建德因

生以賜姓立有德爲諸侯因其所由生以胙之土而

命之氏諸侯以字位卑不得賜姓故其爲諡因以爲

族或卽先人之官有世功則有官族邑亦如之公命

以字爲展氏諸侯之子稱公子公子之子稱公孫公

孫之子以王父子爲氏正義氏族一也釋例曰別而

稱之請之氏合而言之則曰族例言別合者若宋華

向出戴桓公獨舉其人則云華氏向氏并指其宗則云戴族桓族記謂之庶姓者以始祖爲正姓高祖爲庶姓庶姓亦氏族之別名也姓則受之於天子族則稟之於時君其不賜者各從父之姓族黃帝之子兄弟異姓周之子孫皆姓姬者古今不同賜姓者亦少唯外姓媯滿之徒賜族者有大功德宜世享祀者方賜之王朝大夫不封爲國君者王賜之族春秋尹氏武氏之徒魯挾鄭宛皆未賜族故單稱名華督生立華氏魯之暈挾柔溺名見於經其後無聞是或不得族也其士會之帑處秦者爲劉氏伍員之子在齊爲王

孫氏知果自別其族爲輔氏皆身自爲之非復君賜
釋例曰子孫繁衍枝布葉分始承其本末取其別故
其流至於百姓萬姓服虔云公之母弟則以長幼爲
氏遺適統伯仲叔季是也庶公子則以配字爲氏尊
公族展氏臧氏是也

春秋未賜族而身爲大夫則稱

名無駭俠之類是也已賜族而使之世爲大夫則稱
族如仲叔季孫之類是也古者置卿必求賢德不以

世官伊陟象賢復相大戊丁公世美入掌兵權不以

世故疑之也

襄公十年伯輿之大夫曰平王東遷吾

七姓從王賜之駢旄之盟

襄十一年同盟于亳載

書曰七姓十三國之祖

晉魯衛鄭曹滕姬姓邾小邾曹姓宋子姓齊姜姓莒已姓

把奴姓薛任姓實十三國

三十一年鄭公孫揮辨於大夫之族姓

班位

楚語觀射父曰民之徹官百王公之子弟質能

言能聽徹其官者物賜之姓以監其官謂之百姓

物事

也以功事賜之姓若司馬太史之屬

姓有徹品十于王謂之千品

單襄

後魏禮志許叔重五經異義云

今春秋公羊穀梁說卿大夫世位則權并一姓謂周尹氏齊崔氏也古春秋左氏說卿大夫皆得世祿傳曰官族易曰食舊德書曰世選爾勞詩云不顯奕世

堯賜姓號

商頌正義中候握河紀云堯曰嗟朕無德欽奉丕圖
賜爾二三子斯封稷契臯陶賜姓號注契爲子稷爲
姬臯陶未聞 禮記正義鄭駁異義云炎帝姓姜太
皞所賜黃帝姓姬炎帝所賜故堯賜伯夷姓曰姜禹
姓曰姁契姓曰子稷姓曰姬著在書傳是天子賜姓
也諸侯賜卿大夫以氏若同姓公之子曰公子公子
之子曰公孫公孫之子其親已遠以王父字爲氏若
適子以五十字伯仲爲氏若魯之仲孫季孫是也庶
子以二十字爲氏則展氏臧氏是也異姓則以父祖
官及所食邑爲氏則司馬司城是也以邑爲氏若韓

趙魏是也凡賜氏族者爲卿乃賜大功德生賜以族若叔孫得臣是也以公子之字賜爲族若仲遂是也無功德死後乃賜族若無駭是也若子孫不爲卿其君不賜族自以王父字爲族也

高陽高辛十六族

左傳高陽氏有才子八人

蒼舒墮嶺禱鯀大臨
厖降庭堅仲容叔達

謂之

八愷高辛氏有才子八人

伯奮仲堪叔獻季仲
伯虎仲熊叔豹季狸

謂之

八元此十六族也世濟其美不隕其名

祝融八姓

鄭語史伯曰黎爲高辛氏火正也

吳回

故命之曰祝融

能昭顯天地之光明以生柔嘉材其後八姓

祝融之後已董

彭秃妘曹斟芊

於周未有侯伯已姓昆吾蘇顧温董

後其董

姓融夷豢龍

已姓之別

彭姓彭祖豕韋諸稽

大彭也豕韋諸稽其後別

姓秃姓舟人

之彭祖之別

妘姓鄔鄔路偃陽曹姓鄒莒斟姓

無後融之與者其芊姓乎芊姓夔越不足命也惟荆

實有昭德

春秋疏世本氏姓篇云任姓謝章薛舒呂祝終泉畢過

禹錫土姓

禹貢錫土姓注天子建德因生以賜姓謂有德之人

生此地以此地名賜之姓以顯之

鄭玄注謂胙之土賜之姓

舜

典別生分類注生姓也別其姓族分其類使相從

國語帝昝禹以天下賜姓曰妘氏曰有夏昝匹岳國
命爲侯伯賜姓曰姜氏曰有呂史記紀舜封契于
商賜姓子氏棄別姓姬氏秦之先栢翳舜賜姓蕭氏
傳舜賜董父姓曰董氏曰豢龍胡公周賜之姓論
衡論古者因生賜姓若夏吞薏苡而生則姓苡氏商吞
燕子而生則姓子氏周履大人綦則姬氏古者有木
姓有氏姓陶氏田氏車之氏姓也上官氏司馬氏
之氏姓也孟氏仲氏王父字之氏姓也

夏商姓氏

史記太史公曰禹爲姁姓其後分封用國爲姓故有

夏后氏有扈氏有男氏斟氏彤城氏褒氏費氏杞
氏緡氏辛氏冥氏斟氏戈氏契爲子姓其後分封以
國爲姓有殷氏來氏宋氏空桐氏稚氏北殷氏目夷
氏

商氏六族 七族

乙
分器

周譜 春秋歷譜謀

注如淳曰世統譜謀也
大司空掾王橫引周譜云定王五年河徙
譜二十卷古來帝王年譜五卷漢元殷周譜歷十
藝文志歷譜帝王諸侯世

卷

史記

三代

世表

云云

五帝

繫譜

十二

諸侯

年

表太史公讀春秋歷譜謀至周厲王廢書而歎

自古爲春秋與者有年歷譜謀之說南史劉杳

桓譚新論云

太史公三代世表旁行邪上並效周譜

漢張衡傳

一介之策各有攸建子長謀之爛然有

第

注功臣

唐柳芳曰司馬遷因周譜明世家

張蒼歷譜五德

杜元凱作春秋長歷及公子譜

周繫世

世本

禮馨賤

諷誦詩世莫繫注杜子春云小史主次序先

王之世昭穆之繫述其德行馨賤立誦詩并誦世繫

戒勸人君故國語曰教之世以怵懼其動玄謂世

之而定其世繫謂書於世本也小史掌邦國之志

定繫世辨昭穆注帝繫世本之屬疏天子謂之帝繫

諸侯謂之世本魯語宗有司曰工史書世

史世世宗祝書即穆宗伯宗廟之有昭穆以

次世之長幼等胄之親疏大傳曰文曰昭武曰穆

語申叔時曰教之世而為之昭明德發幽昏先王之

世繫也大傳繫之以姓而弗別周道然也始祖為

別若公宗室屬籍漢志春秋家世本十三篇古史

官記黃帝以來訖春秋時諸侯大夫隋志世本五

侯大夫譜二卷世本一卷劉向撰世本四卷宋衷撰

司馬遷已采世本漢初得世本敘黃帝以來祖世所出

本恐非向撰言姓氏皆本世本公子譜上書皆本左傳

錄一卷宋均注帝譜世本七卷王氏注世本譜二卷

顏之推云世本左丘明所書此說出帝王世紀漢司馬遷贊世本錄黃帝

以來至春秋時帝王公侯卿大夫祖世所出遷采世

本梅福傳綬和元年以世本相明封孔子世班

彪傳世本一十五篇司馬遷刪世本史記注鄭康

成駁異義曰天子賜姓命氏諸侯命族族者氏之別

名也姓者所以統繫百世使不別也氏者別子孫之

所出故世本之篇言姓則在上言氏則在下也劉向

曰世本古史官明於古事者所記錄黃頴以來至春

秋時王侯諸國世卿大夫名字號與左氏合索隱云錄黃帝

以來帝王諸侯及卿大夫系謚名號凡十五篇

春秋正義今之世本與司馬遷言不同世本多誤不足依憑又引世本氏姓篇

言十國皆任姓 書正義案今世本帝繫二禮注引世本作疏

世本有作篇記諸作事云 孟子注引世本錄諸侯之世 詩正義引宋仲子注 史通能

言吾祖郊子見師不識其先籍談見笑周撰世本式

辨諸宗楚置三閭實掌王族 通鑑外紀世本經秦

歷漢儒者改易 大戴禮出於世本 國史志 崔表世

本圖一卷

周語仲山父曰司商協名姓注司商掌賜族受姓之
官商金聲清謂人始生吹律合之定其姓名

百虎

通古者聖人吹律定姓以記其族人含五常而生聲
有五音 易類謀黃帝吹律以定姓

孔子京房亦然

禮秋官司約治民之約注若懷宗九姓在晉殷民

六族七族在魯衛

易正義按世譜等羣書神農一

曰連山氏

二云二云

詩生民疏大戴禮帝繫篇云帝嚳

卜其四妃之子皆有天下

二云二云

家語世本其文亦然

毛傳司馬遷爲五帝本紀皆依用焉 唐張說曰古

三才卷五十一
三九七八
未有姓自炎帝之姜黃帝之姬始因所生地而爲姓

其後天子建德因生賜姓

小司馬三皇紀神農其後有州甫甘許戲露齊紀怡

向申呂皆姜姓之後並爲諸侯

古三墳有姓紀一篇

太古河圖代姓紀

五宗

禮記天傳別子爲祖繼別爲宗繼禰者爲小宗有百

世不遷之宗有五世則遷之宗

疏百世不遷謂大宗也五世則遷謂小宗

也百世不遷者別子之後也宗其繼別子之所自出

者百世不遷者也五世則遷者繼高祖者也宗其繼

高祖者五世則遷者也注別子諸侯之庶子別爲後

世爲始祖也別子之世適族人尊之謂之大宗是宗

子也別子庶子之長子爲其昆弟爲宗謂之小宗以其將遷也小宗有四或繼高祖或繼曾祖或繼祖或繼禰疏小宗雖四初皆繼禰爲始 **書大傳**宗室有事族人皆侍終日大宗已侍於賓奠然後燕私注禮志云別子爲祖繼別爲大宗繼禰爲小宗 白虎通宗族篇大宗能率小宗小宗能率羣弟宗其爲始祖後者爲大宗此百世之所宗也宗其爲高祖後者五世而遷者也高祖遷於上宗則易於下宗其爲曾祖後者爲曾祖宗宗其爲祖後者爲祖宗宗其爲父後者爲父宗以上至高祖宗皆爲小宗以其轉遷別於

大宗也別子者自爲其子孫爲祖繼別也各自爲宗
小宗有四大宗有一凡有五宗

儀禮

大宗者尊之

統也收族者也 詩公劉君之宗之注爲之君爲之

大宗也

呂氏曰古者建國立宗其事相須

左傳大夫有貳宗

注宗子之

副貳者

保姓受氏以守宗祊

周書允文篇選同氏姓

位之宗子

隋志禮類梁有五宗圖一卷

晉九宗

見官制

三代世表

譜牒

史記自序三代尚矣年紀不可考蓋取之譜牒舊聞

作三代世表第一。周室衰微，諸侯專政，春秋有所不紀，而譜謀經畧，作十二諸侯年表第二。呂氏曰：史記十表，意義弘深，三代世表以世系爲主，以觀百世之本支；黃帝之初，先列譜系，以祖宗爲經，子孫爲緯，則五帝三代皆出黃帝可知矣。

叙載本支則古法也。

周成王之後，詳列諸侯，以世爲

經，以國爲緯，則親疏之相輔可知。顓帝以下，周武以上，有經無緯，止列世系，而大治亂附焉，則正嫡旁支之繼統可知。今本自顓帝至帝芒，猶有經有緯，蓋于長借譜系上方書帝王之世耳。

春秋公子譜

書目春秋公子血脉譜其傳本曰荀卿撰秦譜下及項滅子嬰之際非荀卿作明矣然枝分派別如指諸掌非殫見洽聞不能爲其間不無訛謬

中興書

目一卷唐楊蘊撰

崇文目

春秋類演左傳謚族圖

五卷春秋世譜七卷帝王歷紀譜二卷春秋宗族名謚譜五卷

春秋正義

杜預采太史公書世本旁引

傳記以爲世族譜

預作春秋公子譜

隋志春秋左

氏諸大夫世譜十三卷

屈原爲楚三閭大夫掌王族三姓曰昭屈景序其譜

屬率其賢良以厲國士

漢帝本系

漢高紀贊春秋晉史蔡墨有言陶唐氏既衰其後有
劉累學擾龍事孔甲范氏其後也而大夫范宣子亦
曰祖自虞以上爲陶唐氏在夏爲御龍氏在商爲豕
韋氏在周爲唐壯氏晉主夏盟爲范氏范氏爲士師
魯文公世奔秦後歸于晉其處者爲劉氏劉向云戰
國時劉氏自秦獲于魏秦滅魏遷大梁都于豐是以
頌高祖曰漢帝本系出自唐帝降及于周在秦作劉
涉魏而東遂爲豐公豐公蓋太上皇父及高祖卽位

置祠祀官則有秦晉梁荆之巫世祠天地綴之以祀
豈不信哉 王命論劉氏承堯之祚氏族之世著乎
春秋唐據火德而漢紹之

漢帝王譜 世譜 年譜

志歷譜十八家帝王諸侯世譜二十卷古來帝王年
譜五卷 又見上 隋志漢氏帝王譜三卷 唐志漢初

得世本敘黃帝已來祖世所出而漢又有帝王年譜
盧植傳獻書竇武曰今同宗相後披圖案牒以次
建之

漢屬籍

見宗戚類

漢諸王世譜 宗正著錄

並見後

漢官譜

譜學

見下

舊德名氏

唐柳冲傳

後漢有鄧氏官譜

隋志云晉亂已亡

應劭有氏族

一篇王符潛夫論亦有姓氏一篇何承天有姓苑二

篇譜學大抵具此

又有潁川太守
聊氏萬姓譜

文選注七畧曰

子雲家諫言以甘露元年生

西都賦士食舊德之

名氏

漢居官姓號

考工記注其曰某氏者官有世功若族有世業以氏名官者也

若築治息棗桃韋裘之類

食貨志武帝

之初國家亡事爲吏者長子孫居官者以爲姓號

王嘉傳孝文時吏居官者或長子孫以官爲氏倉氏庫氏則倉庫吏之後也

廣韻王符潛夫論姓氏志

曰東門西郭南宮北郭皆是因居也風俗通曰凡氏之興九事一氏於號唐虞夏殷是也

姓氏篇序

四氏於國

齊魯宋衛是也

漢外屬國

竇融傳在河西聞光武即位決策東向五年夏遣長

史劉鈞奉書獻馬隗囂及融與五郡太守共砥礪兵
馬上疏請師期帝深美之賜以外屬圖及太史公五
宗外戚世家魏其侯列傳詔報曰每追念外屬孝景
皇帝出自竇氏定王景帝之子朕之所祖昔魏其一
言繼統以正長君少君尊奉師傳修成淑德施及子
孫此皇太后神靈上天祐漢也

薛綜五宗圖

吳志薛綜定五宗圖
通典薛綜述鄭氏禮五宗圖

曰天子之子稱王子王子封諸侯若魯衛是也諸侯
之子稱公子公子還自仕食菜於其國爲卿大夫若

魯公子季友是也則子孫自立此公子之廟謂之別子爲祖則嫡嫡相承作大宗百代不絕大宗之庶子則皆爲小宗小宗有四五代而遷已身庶也宗禰宗已父庶也宗祖宗已祖庶也宗曾祖宗已曾祖庶也

宗高祖宗已高祖庶也則遷而唯宗大宗 晉杜元

凱宗譜

云云

賀循宗義曰太祖之代則爲大宗宗之

本統故也支子旁親非太祖之統謂之小宗

傳純

問賀

云云

殷浩問范宣

云云

曹述初集解明宗義

曰其士大夫之嫡者此爲諸侯別子之後也

庾亮

問賀循曰祖宗之正不易則本枝昭穆歷百代而不

亂此立宗之大旨也。答曰：禮宗子之義，所以明本祖之正統，紀百代而不紊。漢石渠禮議曰：聞人通漢

戴聖

云云

賀循宗義曰：奉宗加於常禮，平居即每

事諮告。文中子曰：宗祖廢而氏姓離矣。

張勃吳錄

吳八族

陳桓呂竇公孫司馬徐傳

四姓朱

張顧陸

魏管寧傳注傳子曰：寧以世多妄變，氏族

者著氏姓論以原本世系。

晉族姓昭穆記

隋志晉摯虞作族姓昭穆記十卷

晉亂已亡

摯虞

傳以漢末喪亂譜傳多亡失，雖其子孫不能言其先

祖撰族姓昭穆十卷上疏進之以為足以備物致用
廣多聞之益

史通晉有摯虞族姓記

郭須撰魏晉

世譜十卷

祭統有事於太廟群昭群穆咸在而不失其倫洵謂
同宗父子皆來

孝經疏昭明也穆敬也故昭南向

穆北向

後漢志注決疑要注曰凡昭穆父南面故

曰昭昭明也子面故曰穆穆順也始祖特於北其

後以次夾始祖而南昭在西穆在東相對蔡邕明堂

論引禮記昭穆篇曰祀先賢于西學所以教諸侯之

德朱子曰昭之言明也其讀為韶者晉避諱而文

之禮書作召字者假借而通用耳。裕于廟室，群昭
向取其向明，群穆北向取其深遠。

晉姓氏簿狀

宋百家譜

齊百家譜

梁百家譜

宋姓苑

姓氏英賢譜

國

親傳

姓氏要狀

百氏譜記

譜學

南齊賈淵傳字希鏡，祖弼之父，匪之世傳譜學。先是
譜學未有名家，弼之廣集百氏譜記，專心治業。晉太
元中，朝廷給弼之令史書吏，撰定繕寫藏祕閣。乃遷
左民曹。及淵三世傳學，凡十八州士族譜，合百裘七
百餘卷。該究精悉，當世莫比。永明中，衛軍王儉抄次

百家譜與淵參懷撰定撰氏族要狀及人名書並行於世

梁王僧孺傳入直西省知撰譜事武帝留意

譜籍因詔僧孺改定百家譜始晉太元中賈弼篤好

簿狀廣集衆家大搜群族撰十八州一百十六郡合

七百十二卷凡諸大品畧無遺闕劉湛為選曹始撰百

家以助銓序傷於寡畧隋志梁有宋譜四卷劉湛百

卷齊王儉復加去取得繁省之衷僧孺通范陽張等九

族以代鴈門解等九姓其東南諸族別為一部不在

百家之數集十八州譜七百一十卷百家譜集抄十

五卷隋志東南譜集抄十卷徐勉該薛綜百氏皆避

其諱 隋志 秦梁有王司空新集諸州譜十二卷

別有諸姓譜一百十六卷益州譜四十卷關東關先

譜三十三卷梁武帝總責境內十八州譜六百九十

卷儀注有國親皇太子序親簿一卷 唐柳沖傳晉

太元中散騎常侍河東賈弼撰姓氏簿狀十八州百

十六部合七百一十二篇藏在祕閣副在左戶甄析

士庶無所遺宋王弘劉湛好其書弘日對千客可不

犯一人諱湛爲選曹譔百家譜二卷以助銓序文傷

寡省王儉又廣之 隋志云儉十卷 王僧孺演益爲十

八篇 隋志三卷 東南諸族自爲一篇不入百家數 隋志南族

譜二卷拾遺一卷

弼傳子匪之匪之傳子希鏡希鏡撰姓氏

要狀十五篇尤所諳究希鏡傳子執執更作姓氏英

賢一百篇

文選注引姓氏英賢錄

又著百家譜

隋志二卷十卷

廣兩王

所記執傳其孫冠冠撰梁國親皇太子序親簿四篇

王氏之學本於賈氏唐興言譜者以路敬淳爲宗柳

冲韋述次之李守素亦明姓氏時謂肉譜者後有李

公淹蕭穎士殷寅孔至爲世所稱初漢有鄧氏官譜

應劭有氏族一篇王符潛夫論亦有姓氏一篇宋何

承天有姓苑二篇

隋志何氏二卷複姓苑一卷

譜學大抵具此魏

大和時詔諸郡中正各列本土姓族次第爲舉選格

答曰方司格人到于今稱之

藝文志賈冠國親

太子親傳四卷王儉百家集譜十卷王僧孺百家譜

三十卷又十八州譜七百一十二卷賈執百家譜五

卷隋志又有傳昭百家譜十五卷又姓氏英賢譜一百

卷隋志何承天姓氏苑十卷賈希鏡氏族要狀十五卷

傳隋志唐韻引姓氏英賢沈約謂周漢之道以智役

愚魏晉以來以貴役賤 裴子野謂三公之子傲九

棘之家黃散之孫茂令長之室

元魏孝文大和二十年正月定諸州士族後魏書有

官氏志

李彪謂若取門地魯三卿孰若四科

隋

志魏遷洛有八氏十姓三十六族九十二姓其中國
人士有四海大姓郡姓州姓縣姓〔史通〕譜牒之作

屬於中古漢有趙岐三輔決錄晉有摯虞姓族記江

左有兩王百家譜中原有方思殿格唐志有方司格一卷

柳

芳論善言譜者繫之地望而不惑質之姓氏而無疑
綴之昏姻而有別山東之人質故尚婚媪江左之人
文故尚人物關中之人雄故尚冠冕代北之人武故
尚貴戚 鄭樵曰魏立九品置中正州大中正主簿

郡中正功曹各有簿狀以備選舉晉宋齊梁因之晉
賈弼宋王洪齊王儉梁王僧孺各有百家譜徐勉有

百官譜宋何承天撰姓苑與後魏河南官氏志二書尤以爲姓氏家所宗

晉籍

南史王僧儒傳梁武帝時知撰譜事先是尚書令沈約以爲晉咸和初蘇峻作亂文籍無遺後起咸和二
年以至於宋所書皆詳實並在下省左右曹前廂謂
之晉籍有東西二庫宋元嘉二十七年以七條名發
僞狀巧籍滋廣齊患其不實於是東堂校籍置令郎
史掌之競行貨以新換故詔書甲子不與長歷相應
校籍諸郎亦所不覺宋齊士庶不分職由於此竊以

晉籍所餘宜加寶愛武帝以是留意譜籍因詔僧孺

改定百家譜

見上

齊書建元三年詔曰黃籍人之

大綱乃別置校籍官置令史 晉陽秋初陳羣爲吏

部尚書制九格登用皆由中正考之簿世然後授任

王戎門調戶選

唐譜牒十七家

藝文志乙部史錄十二曰譜牒類十七家三十九部
一千六百十七卷宋衷世本四卷世本別錄一卷宋
均注帝譜世本七卷王氏注世本譜二卷漢氏帝王
譜二卷齊永元年中表簿六卷梁大同四年表簿三

卷齊梁宗簿三卷梁親表譜五卷後魏皇帝宗族譜
四卷元暉業後魏辨宗錄二卷後魏譜二卷後魏方
司格一卷齊高氏譜六卷周宇文氏譜一卷賈冠國
親皇太子親傳四卷王儉百家集譜十卷王僧孺百
家譜三十卷又十八州譜七百一十六卷徐勉百官
譜二十卷賈執百家譜五卷又姓氏英賢譜一百卷
何承天姓苑十卷賈希鏡氏族要狀十五卷官族傳
十五卷與州姓族譜七卷洪州諸姓譜九卷袁州諸
姓譜七卷司馬氏世家二卷楊氏譜一卷楊氏蘇氏
譜一卷孫氏譜記十五卷韋氏譜十卷

韋鼎裴氏家

譜二十卷

裴守真

大唐氏族志一百卷

高士廉撰

姓

氏譜二百卷

許敬宗撰

柳冲大唐姓族系錄二百卷

路敬淳衣冠譜六十卷著姓畧記二十卷不著錄二

十二家三百三十三卷王元感姓氏實論至諱行錄

紀百氏之譜諫者有姓苑畧氏族錄開元譜新定譜

牒元和姓纂姓林唐官姓氏記及家譜之屬紀皇室

之譜牒者有永泰新譜續譜皇唐玉牒行樓維城錄

天潢源派譜皇室新譜皇孫郡縣主譜之類他如宰相

甲族孔子系葉傳不可勝紀

唐世譜牒備士大夫以世家相高喜自植立

六典譜系類世本等四十一部三百六十卷

隋志同

通亡書合五十三部一千二百八十卷 舊志雜譜

牒五十五部一千六百九十一卷 崇文目氏族四

十一部一百一十二卷 中興書目譜謀五十五家

一百一十一卷 續目四家四十六卷 景德龍圖閣

史傳閣譜牒九十九卷

隋志書稱別生分類傳曰天子建德因生賜姓周家小史定繫世辨昭穆亦史之職也

唐氏族志 姓氏錄

高士廉傳 太宗嘗以山東士人尚闕閤後雖衰子孫猶負世望嫁娶必多取資故人謂之賣昏由是詔士

廉韋挺岑文本令狐德棻責天下譜牒參攷史傳檢
正真偽進忠賢退悖惡先宗室後外姓退新門進舊
望左膏梁右寒畯合二百九十三姓千六百五十一
家爲九等號曰氏族志而崔幹仍居第一帝曰我於
崔盧李鄭無嫌顧其世衰不復冠冕猶恃舊地以取
貴不肖子偃然自高販鬻松楨不解人間何爲貴之
高齊據河北梁陳在江南雖有人物偏方下國無可
貴者故以崔盧王謝爲重今謀士勞臣以忠孝學執
從我定天下者何容納此貴舊門向聲背實買昏爲榮
也

正觀十六年六月
巳酉詔禁鬻昏

太上有立德其次有立功其次

有立言其爵爲公侯卿大夫世世不絕此之謂門戶
今皆反是豈不惑耶朕以今日冠冕爲等級高下遂
以崔幹爲第三姓班其書天下贊古者受氏以旌有
功是時人皆士著故名宗望姓舉郡國自表面譜系興
焉遭晉播遷胡醜亂華百宗蕩析士去墳墓子孫猶
挾系錄以示所承而閥閱顯者至賣昏求財汨喪廉
耻唐初流弊仍甚天子屢抑猶不爲衰至中葉風教
又薄譜錄都廢公靡常產之拘士無舊德之傳言李
者悉出隴西言劉者悉出彭城悠悠世祚訖無考按
冠冕皂隸混爲一區可太息哉

甄文志 大唐氏族

志一百卷士廉擬文本德黎等撰 會要正觀十二

年正月十五日修氏族志一百卷崔幹爲第三餘同

士廉傳

舊紀

十二年正月乙未吏部尚書高士廉

等上一百三十卷顯慶四年九月五日改爲姓氏錄

上親製序仍自裁其類例 鄧名世曰唐宰相表九

十三族至鍾陳韓高之氏亦有訛舛

唐姓氏錄

勳格

高士廉傳高宗時許敬宗以氏族志不叙武后世李
義府耻其家無名更以孔志約楊仁卿史玄道呂才
等十二人刊定之裁廣類例合二百三十五姓二千

譜謝

二百八十七家帝自敘所以然以四后姓鄴公介公
及三公太子三師開府儀同三司尚書僕射爲第一
姓文武二品及知政事三品爲二姓各以品位高下
敘之凡九等取身及昆弟子孫餘屬不入改爲姓氏

錄

顯慶四年六月丁卯

當時軍功入五品者昇譜限縉紳恥言

焉日爲勲格義府奏悉索氏族志燒之又詔後魏隴

西李寶太原王瓊滎陽鄭溫范陽盧子儀盧潭盧輔

清河崔宗伯崔元孫前燕博陵崔懿晉趙郡李楷凡

七姓十家不得自爲昏姻

十月壬戌會要顯慶四年十月十九日詔

三品

以上納幣不得過三百匹四品五品二百六品七品

百悉爲歸裝夫氏禁受陪門財先是後魏大和中定四海望族以寶等爲冠其後尚門地故氏族志一切降之王妃主壻皆取當時勲貴名臣家未嘗尚山東舊族房玄齡魏徵李勣復與昏故望不減然每姓第其房望雖一姓中高下縣隔李義府爲子求婚不得始奏禁焉其後天下衰宗落譜昭穆所不齒者皆稱禁昏家益自貴凡男女潛相聘娶天子不能禁世以爲敝云 張說傳武后嘗問氏族皆本炎黃之裔則上古乃無百姓乎若爲朕言之說曰古未有姓若夷狄然自炎帝之姜黃帝之姬始因所生地而爲之姓其

後天子建德因生賜姓黃帝二十五子而得姓者十有四德同者姓同德異者姓殊其後或以官或以國或以王父之字始爲賜族久而爲姓降唐虞抵戰國姓族漸廣周衰列國既滅其民各以舊國爲之氏下及兩漢人皆有姓故姓之以國者韓陳許鄭魯衛趙魏爲多后曰善

藝文志姓氏譜二百卷許敬宗李

義府孔志約楊仁卿史玄道呂才撰

會要顯慶四

年九月五日

通監六月丁卯

詔改氏族志爲姓氏錄上親製

序仍自裁其類例凡二百四十五姓二百八十七家

呂才等十二人商量編錄趙瑩曰古者衣冠之家

書千圖籍中正清議以定品流故有家史家傳族譜
族圖江左百家軒裳綴軌山東四姓簪組盈朝

唐姓族系錄 族譜摠說

柳冲傳景龍中遷左散騎常侍修國史初太宗命諸
儒撰氏族志甄差群姓其後門胄興替不常冲請改
修其書帝詔魏元忠張錫蕭至忠崔羲崔湜徐堅劉
憲吳兢八人及冲共取功德時望國籍之家等而次
之夷蕃酋長襲冠帶者析著別品會元忠等相繼物
故至先天時復詔冲及堅兢與魏知古陸象先劉子
玄等討綴書乃成號姓系錄

冲表曰姓氏之初世本著其義昭穆之叙周譜

列其風漢晉之年應摯明宗系之
說齊梁之際王賈述衣冠之源開元初詔冲與薛

南金復加刊竄乃定後柳芳著論甚詳芳之言曰氏
族者古史官所記也昔周小史定繫世辨昭穆故古
者有世本錄黃帝以來至春秋時諸侯卿大夫名號
繼續左丘明傳春秋亦言天子建德因生以賜姓胙
之土而命之氏諸侯以字爲氏以謚爲族昔堯賜伯
禹姓曰姒氏曰有夏伯尼姓曰姜氏曰有呂下及三
代官有世功則有官族邑亦如之後世或氏於國則
齊魯秦吳氏於謚則文武成宣氏於官則司馬司徒
氏於爵則王孫公孫氏於字則孟孫叔孫氏於居則

東門北郭氏於志則三鳥五鹿氏於事則巫乙匠陶

於是受姓名氏粲然舉矣禮記疏天子賜姓賜氏諸侯但賜氏以伯仲為氏魯

之仲孫季孫是也以字為氏展氏臧氏是也異姓以官為氏司馬司城是也以邑為氏韓趙魏是也風俗通氏於事巫卜陶匠是也廣韻注風俗通氏姓

篇序云云王符潛夫論志氏姓云東門西門東郭北郭所謂居也三鳥五鹿青牛白馬所謂志也

主父字為氏或公子公孫為氏或父之母弟列伯仲叔季為氏其族也或以先

諡或以世功或以君賜秦既滅學諸侯子孫失其

本系漢興司馬遷父子乃約世本修史記因周譜明

世家乃知姓氏之所由出虞夏商周昆吾大彭承韋

齊桓晉文皆同祖也更王迭伯多者千祀少者數十

代先王之封既絕後嗣蒙其福猶為彊家漢高帝興

徒步有天下命官以賢詔爵以功誓曰非劉氏不王
無功侯者天下共誅之先王公卿之胄才則用不才
弃之不辨士與庶族然則始尚官矣然猶徙山東豪
傑以實京師齊田與楚屈昭景皆右姓也其後進拔
英豪論而錄之蓋七相五公之所由興也魏氏立九
品置中正尊世胄卑寒士權歸右姓以其州大中正
主之晉宋因之始尚姓已然其別貴賤分士庶不可
易也于時有司選舉必稽譜籍而考其真僞故官有
世胄譜有世官賈氏王氏譜學出焉由是有譜局令
史職皆具過江則爲僑姓王謝袁蕭爲大東南則爲

吳姓朱張顧陸爲大山東則爲郡姓王崔盧李鄭爲
大關中亦號郡姓韋裴柳薛楊杜首之代北則爲虜
姓元長孫宇文于陸源竇首之虜姓者魏孝文帝遷
洛有八氏十姓三十六族九十二姓八氏十姓出於
帝宗屬或諸國從魏者三十六族九十二姓世爲部
落大人並號河南洛陽人郡姓者以中國土人差第
閥閱之制凡三世有三公者曰膏梁百令僕者曰華
腴尚書領護而上者爲甲姓九卿若方伯者爲乙姓
散騎常侍太中大夫者爲丙姓吏部正員外郎爲丁
姓凡得入者謂之四姓故江左氏族凡郡上姓第一

則爲右姓大和以郡四姓爲左姓齊淳屠曇剛類例
凡甲門爲右姓周建德氏族以四海通望爲右姓隋
開皇氏族以上品茂姓爲右姓唐貞觀氏族志凡第
一等爲右姓路氏著姓畧以盛門爲右姓柳冲氏族
系錄凡四海望族則爲右姓不通歷代之說不可以
言譜也

錄卷七

志柳冲大唐氏族系錄二百卷

岑義氏族

會要神龍元年五月十八日柳冲上表願

修氏族之譜上從之令左僕射魏元忠等八人重修
至先天二年三月柳冲奏所修氏族錄成上之凡二
百卷又今刊定至開元二年七月二十二日畢上之

昭文館學士柳冲左庶子劉
子玄 舊紀七月景午上

徐堅碑云及柳冲等

同修姓氏系錄

鄭樵氏族畧曰姓氏之學最盛於

唐而國姓無定論林寶作元和姓纂而自姓不知所
由來自隋唐而上官有簿狀家有譜系官之選舉必
由簿狀家之婚姻必由譜系歷代並有圖譜局置郎
令史掌之仍用博通古今之儒知撰譜事凡百官族
姓之有家狀者上之官爲考定詳實藏於秘閣副在
左戶

唐編古命氏

書目 永隆二年李利涉撰三卷凡二百五十六姓著

胄系之始其末又載諸氏族譜一卷云梁天監七年
中丞王僧孺所撰俾士流案此譜乃通昏姻正觀六
年又命高士廉等定氏族明加禁約云崇文目局

唐官姓氏記

志李利涉唐官姓氏記五卷初十卷後亡其半又編
古命氏三卷

唐劉氏譜

會要長安四年鳳閣舍人劉知幾撰劉氏譜推漢氏
爲陸終苗裔非堯之後彭城叢亭里諸劉出自宣帝
曾孫司徒居巢侯劉愷之後不承楚元王交皆援據

明白前代所誤雖為流俗所譏學者服其該博

志

劉氏譜考三卷家史十五卷

並劉子玄

隋河間劉

善經亦著諸劉譜三十卷

左傳其處者為劉氏正義曰漢初左氏不顯明帝時

賈逵上疏曰五經皆無證圖識明劉氏為堯後者左

氏獨有明文前世借此以求道通故後引之為證

宋朝河南劉氏由政會至燁十一世而世諜具存

唐衣冠譜 著姓略記

路敬淳傳武后時數受詔纂輯慶卹儀典武后稱之

尤明姓系自魏晉以降推本其來皆有條序著姓略

衣冠系譜等百餘篇云唐初姓譜學惟敬淳名家其
後柳冲韋述蕭穎士孔至各有撰次然皆本之路氏
志路敬淳衣冠譜六十卷又著姓略記二十卷

唐開元譜

韋述傳述好譜學見柳冲所撰姓族系錄

二百卷

每私

寫懷之還舍則又繕錄故於百氏源派爲詳乃更撰

開元譜二十篇

述典掌圖書餘四十年任史官二十

年志韋述開元譜二十卷

唐姓源韻譜

晁氏志張九齡撰五卷依春秋正典柳氏萬姓錄世

本圖摺撫諸書纂爲此譜分四聲以便尋閱

唐新定諸家譜錄

志一卷李林甫等

書目天下郡望姓氏族譜一卷

李林甫等撰

崇文目同

記郡望出處凡三百九十八姓天

寶中頒下非譜裔相承者不許昏姻

唐百家類例

孔至傳歷著作郎明氏族學與韋述蕭穎士柳冲齊名撰百家類例以張說等爲近世新族剷去之說子均方有寵怒曰天下族姓何豫若事而妄紛紛耶均弟素善至以實告初書成示韋述述謂可傳及聞均

語懼欲更增損述曰丈夫奮筆成一家書奈何因人
搖動有死不可改遂罷時述及頴士冲皆撰類例而
至書稱工志韋述百家類例三卷孔至姓氏雜錄

一卷

會要乾元元年著作郎賈至

按賈至傳申單父尉拜起居中

書舍人從岳州司馬竇應初名復故官不曾遷著作郎疑是孔至

撰百家類例十

十六十九

卷

卷其序旨曰以其婚姻成家冠冕備盡則存諸大

譜所紀者唯尊官清職傳記本元分爲十卷爰列百
氏其中須有剖析各以當族注之通爲百氏以隴西
李氏爲第一至正元中左司郎中柳芳論氏族序四
姓則分甲乙丙丁之次列四海士族則先山東載在

唐曆 中興書目 百家類例 一卷 工部侍郎韋述撰
 又以大唐縉紳進姬周十八姓大唐相門甲族八十
 六家附其後 書目姓氏古今雜錄 一卷 孔至載氏
 族冠冕昏姻之盛又以方數甲乙紀之 陸羽有江
 表四姓譜十卷

唐永泰新譜 皇室新譜 宗正譜牒

柳璟傳初芳永泰中 會要二年十月七日 按宗正譜牒斷自武

德以昭穆系承撰永泰新譜二十篇其孫璟開成初

會要四年正月 因名對文宗歎新譜詳悉詔璟攜撫永泰後

事綴成之復為十篇戶部奉筆札廩料 志柳芳永

泰新譜二十篇一作皇帝室新譜柳璟續譜十卷李

衢大唐皇室新譜一卷

會要

舊紀

永泰二年冬十

月七日己丑宗正卿吳王祗奏修史官大常博士柳

芳撰皇室永泰新譜二十卷上之開成四年閏正月

敕翰林學士柳璟修續皇家永泰譜

中興書目皇

室新譜一卷李林甫撰元宗御製序其譜言李氏之

先出於高陽氏之子咎繇爲堯理官以官命族因爲

理氏其後理證得罪于紂證之子利正避難於伊侯

之墟食李而得全因改理爲李氏咎繇七代孫曰乾

字先果天寶二年三月追尊爲先天太皇帝乾生耳

字伯陽乾封元年二月追尊爲混元皇帝天寶三年三月又加大聖祖自此載唐二十帝

後周武帝敕鮑宏修皇室譜分爲帝緒疏屬賜姓三篇北史元暉業撰魏藩王家世號曰辨宗錄四十

卷

唐志
二卷

唐續古今人表

志雜史有韓祐續古今人表十卷開元十七年上授太常寺太祝梁江子一續班固九品

唐元和姓纂

志林寶元和姓纂十卷

林寶自序壬辰之歲詔加

邊之封朔方之朔帥闔某者有司建之邑於大原列郡焉閻子上言治爵九士族之而封垂本郡恐非舊與翌日上謂相國趙公曰互召通儒碩士辨卿大夫之族姓者綜修姓纂每加爵邑則令闕視庶無遺謬凡二十旬纂成十卷自皇族之外各依四聲類集每韻之內則以大姓爲首元和七年壬辰十月知制誥王涯爲後序 鄧名世曰姓纂稍能是正數十條而齊秦之屬亦所未暇至鉏丘茅夷指爲複姓又不勝其謬矣 會要元和七年王涯撰姓纂十卷上之

志又有陳湘姓林五卷王元感姓氏實論十卷崔日

用姓苑畧一卷

唐孔子系葉傳

志黃恭之二卷

崇文目
三卷

中興書目闕里譜系

一作
世系

一卷元豐中孔子四十六代孫宗翰刻而傳之紹興
五年洪興祖正其缺誤又作先聖年表列之卷首成
鐸重定文宣王家譜一卷 南史劉縉著先聖本記

十卷

家語有本姓解第三十九

春秋正義引
家語本姓篇

唐諸臣門族

宰相世系表唐傳世多諸臣亦各修其家法以門族
相高材子賢孫不隕世德或父子相繼居相位或累

數世而屢顯終唐世不絕盛矣 唐相二百六十九

人凡九十八族始於裴氏 宰相二十三人 崔氏十

房 十七人 裴氏五房 趙郡李氏六房 張氏十三

人 王氏三房 四人 韋氏九房 十二人 劉氏七房 十

一人 楊氏杜氏十人 李氏四房 肅氏二房 九人 蘇氏

二房 南祖北祖 人 竇氏二房 陸氏魏氏 五人 蘇氏

武氏 四人 趙氏郭氏韓氏高氏 三人 薛氏南祖西祖

子氏 柳 岑 馬 陳 房 宇文 徐 袁氏

二人 戴 姜 孫 許 樂 宗 姚 周 令狐

牛 一齊 賈氏 蕭氏八葉 表云齊梁蕭九人 張

王氏三世

唐相譜

書目一卷不知作者紀武德元年裴寂爲相訖李忠臣大歷十四年拜平章事末云今上大歷十四年五月卽位十五年正月一日改元建中所記宰相六人至關播而止蓋德宗時所譜也 崇文目宰相甲族一卷藝文志同韋述蕭穎士撰記相門甲族王方慶李義琰崔元暉以下凡十四家

唐百氏譜

書目五卷國子助教裴揚休撰凡三百五十八姓漢

姓三百七蕃姓一百二十五姓源韻譜五卷唐曹大
宗采諸書述姓氏郡望以四聲類之又一本云張九
齡撰所存止三卷 崇文目唐氏譜畧一卷

唐書總紀帝系

國史志三卷帝系圖一卷

聖朝臣僚家譜

國史志一卷

太宗時韓溥好談唐朝氏族近臣之內譜

景祐姓解 熙寧姓纂

景祐二年邵思撰姓解三卷凡一百七十門二千五

百六十八氏以偏旁類次自序云歷代功臣名士布
在方冊者次第而書所以恢張世胄其餘疎族異望
削之 熙寧姓纂六卷熙寧中錢明逸撰用聲韻類
次以國姓爲首羣史姓纂韻譜六卷建炎中黃邦俊
纂錄史傳姓氏

先儒欲收世族復小宗玄立譜法 呂大臨有宗子
祖謙有宗法

紹興姓氏書辨證 春秋譜 百族譜

四年三月乙亥撫州鄧名世以所著春秋四譜六卷
辨論譜說十篇古今姓氏書辨證四十卷來上吏部

尚書胡松年看詳學有淵源辭亦簡古考訂明切多

所按據詔引見殿上

二十九日

九月六日賜進士出身充

史館校勘

會要一十四卷書目十二卷

序曰春秋時善論姓氏

者魯有衆仲晉有胥臣鄭有行人子羽皆能探討本

源自炎黃而下如指諸掌

專取左氏國語爲主參

以五經子史之文自風俗通以來

如姓苑百家譜姓

纂

凡有所長盡用其說穿鑿訛謬必辨駁之始於國

姓餘分四聲終於漢姓蕃姓補遺凡四十卷

續書目卷同

復以熙寧姓纂皇朝百官公卿家譜參訂書始於政

宣而成於紹興之中年名世子椿年哀集次序之其

書始備 紹興中丁維臯撰百族譜三卷自皇朝司馬氏以下百官族姓皆推源流疏派別志名字爵位錄世譜家傳及行狀神道碑之類周必大爲序

宋朝氏族志

鄭樵爲氏族志五十七卷又有氏族源氏族韻等書幾七十卷 通志有氏族畧論得姓受氏有三十二類此外則有四聲又有復姓四聲以氏族不得其所系之本

祿以報功故其世可延位以尊賢故其官當擇 陳

田互出號鄆俱開東哲改疎傳之宗輔果易晉卿之
號 千秋去田宗隨會別劉氏 漢賜稅侯尚采祭
天之義魏親程昱用疇奉日之心 賜姓名 濟岳述
家風陸機陳世德

玉海卷第五十